

合阳县志

一
函
四
册
函

人物第五

商伊尹。史記無傳。孟子謂尹耕於有莘之野。而樂堯舜之

道焉。蓋有莘人也。殷本紀伊尹名阿衡。身隱曰伊尹名摯。阿倚也。衡平也。言

依倚而取平。書曰。惟臯王不惠於阿衡。亦曰。保衡。皆伊尹

之官號。非名也。皇甫謐云。伊尹力牧之後。生於空桑。呂氏

春秋云。有佚之女。採得嬰兒於空桑。後居伊水。命曰伊尹。

新志云。空桑屬荒唐。伊水之說。亦不足信。且云。有佚。卽有

莘耳。自當據孟處士湯使人聘迎之。五反。後肯從湯。言素

子以爲有莘人。王及九主之事。素隱曰。大素上皇。其道質素。故稱素王。九王者。三皇五帝及夏禹也。湯舉任

以國政。書序曰。伊尹去亳適夏。既醜有夏。復歸於亳。人自

北門遇女鳩。女房作女鳩。女房。

書傳曰。鳩房二人。湯二篇皆所以醜夏而遇

之意也。本紀云：是時諸侯昆吾氏爲亂，伊尹從湯伐昆吾，遂

伐桀。書序又曰：成湯既沒，太甲元年，伊尹作伊訓，作肆命。

作祖后。太甲既立，不明，伊尹放之於桐宮。三年，復歸於亳。

作太甲三篇，既復政，將告歸，作咸有一德。本紀云：太甲崩。

子沃丁立，葬伊尹於亳。傳節而括按伊尹葬處見於他書者不一。

論曰：邑之人物始於伊尹者，商以前不可考。已伊尹元聖。

商書湯誥曰：肆求元聖。蔡傳：元聖，伊尹也。而列之人物，不亦輕乎？然余觀康對

山之志，吾武功人物也。首列后稷，嘗云：太華高羣山倚重。

論者謂其有鉅識，余故竊取其義焉。獨歎此後二千餘年。

至唐之末世，乃有譚石馬紉見於舊志，而又別無考據。豈

伊尹傳後即接譚馬二人得此論以開之則

非文獻之不足歟

唐譚石僖。宗中和四年。爲工部尙書。馬絢陪戎校尉。左監門直長。縣南栢里坊。有故塋。

宋雷德驥。字善行。

宋史云。同州郃陽人。

周廣順三年。進士。歷右拾遺。

充三司判官。顯德中。入受詔。均定隨州諸縣民田屋稅。稱爲平允。宋初。拜殿中侍御史。改屯田員外郎。判大理寺。以屬吏附會宰相趙普。擅增刑名。見太祖。白其事。辭氣俱厲。黜爲商州司戶參軍。知州奚嶼。希宰相旨。陷之。削籍。徙靈武。數年。其子有鄰。擊登聞鼓。訴中書不法事。普由是出鎮河陽。召德驥爲秘書丞。開寶七年。以吏部南曹同知貢舉。

歷官右諫議大夫。雍熙二年同知京朝官考課。帝謂宰相曰：「朕前日所患不能周知羣臣履行，今德驥錄京朝官履歷功過之狀，得擇才委任矣。」端拱初，遷戶部侍郎。會趙普再入相，遽上疏乞歸。太宗安諭之，訖普出守西洛，終保全之。淳化二年，其婿衛濯訟有鄰子秘書省校書郎孝先陰事坐失教責，授威德軍行軍司馬。二年卒，後追復舊官。雷有終字道成，德驥子，幼聰敏，以蔭補漢州司戶參軍。署萊蕪尉，發知監竅賊。太宗聞其名，召爲大理寺丞，歷官少府少監，知廣州。以衛濯訟孝先坐親累，責授衛州團練副使。起都官員外郎，後領江灌兩浙荆湖福建廣南路茶鹽

制置使已而復爲少府少監。徙知江陵。益州有李順之亂。命爲峽路隨軍轉運使。同知兵馬事。調發規畫。皆有節制。軍至廣安。瀨江樹柵。賊夜奄至。衆大恐。有終安坐櫛髮。自若。徐引奇兵出其後擊之。賊驚擾。赴水死者無筭。就拜右諫議大夫。知益州。次簡州。寓佛龕。度賊必至。命左右重閉。召土人嚴更警備。初夕。聞道而出。賊果至。圍之數重。及壞寺入。惟擊柝者在焉。賊大驚去。賊平。改知許州。又改給事中。知并州。真宗卽位。加工部侍郎。咸平三年。將巡師大名。遣有終先詣澶州督糧。芻會益州戍卒。害兵馬鈐轄符昭壽。擁都虞侯王均爲亂。拜有終瀘州觀察使。知益州。兼川

峽兩路招安捉賊事。知蜀州楊懷忠攻益州。與賊相持。有終至壁。升僊橋。賊出攻擊。走之。賊開城僞遁。有終率兵入。伏發師殲焉。有終緣喋墜免。退保漢州。既而賊至。大敗之。乃進逼城。督諸將環攻。賊悉力死拒。不可拔。爲洞屋穴城。乃破之。賊遁去。追至富順。均縊死。其黨悉平。有終加保信軍節度觀察。留後。四年代還。知永興軍府。徙秦州。景德初。徙爲并代副都部署。契丹入寇。上幸澶淵。詔有終率所部。由土門抵鎮州。與大兵會。既而王超。桑贊。逗撓無功。惟有終赴援。威聲甚振。河北列城賴其雄張。俄而契丹修好。命還屯所。就統并州。召拜宣徽北院使。檢校太保。二年七月。

暴疾卒。贈侍中。錄其四子。有終。儻自任。不拘小節。有幹局。沈敏善斷。不畏強禦。輕財。歷典藩閫。能撫士卒。豐於宴。搞官用不足。則傾私帑以給之。家無餘財。奉身甚薄。常所御者銅鞍勒馬而已。在蜀嘗貸庫錢百萬。奏納其第。第以償。優詔免之。身沒。猶負宿貲千萬。官爲償之。王繼英在樞。密忌其進用。屢言其厚費。以收士卒心。真宗不之疑。卒厚遇之。

雷簡夫字太簡。有隣之孫。孝先之子也。有隣授秘書正字。孝先舉進士。試秘書省校書郎。知天長縣。以簡濯訟除籍。配均州。後復知宛丘縣。累遷奉禮郎。隨有終討王均。率先

鋒與賊戰。升僊橋。斬首數百。得均金槍黃繖以獻。改將作
監丞。李繼遷陷靈州。軍費多出於民。關內大擾。孝先請募
商入粟塞下。償以茶鹽。從之。民困乃蘇。後歷官領軍衛大
將軍。昭州刺史。分司西京。卒。簡夫隱居不仕。康定中。樞密
使杜衍薦之。召見。以校書郎簽書秦州觀察判官尋罷。居
長安。時三百渠久廢。京兆府遂薦簡夫治渠。先是治渠歲
役六縣民。四十日用稍木數百萬。而水不足。簡夫用三十
日。稍木比舊三之一。而水有餘。知坊州。徙閬州。用張方平
薦。知雅州。既而辰州蠻酋彭仕義內寇。三司副使李參侍
御史朱處約安撫不能定。繼命簡夫往。至則督諸將進兵。

築明溪上下二砦據其險要拓取故省地石馬崖五百餘里仕義內附擢三司鹽鐵判官知號同二州累遷尙書職方員外郎卒錄其子爵臣爲郊社齋郎

論曰新志因宋史所載衛濯訟孝先之語不爲孝先立傳而附於簡夫傳前不沒其生平誠是也

安儼舊志云少負奇節善屬文父廷鐵音海與宋人爲工

號同

部郎中持心不欺尤喜急人之困後謫萬年縣令儼由進

士授大理評事判州事稱職轉太子贊善大夫帝將寵用之召至承明謂之曰百辟嬪窳者多如卿不易得也等加右司諫會有譖之者力求補外出知鄜州秩滿當去民

遯道留之後知蘇州亦多善政

新志曰此舊志所載者史雖無徵諒必有據但不知宋何時人而所謂帝者何帝也存之俟考

元岳崧字景山舊志云延祐中三聘不起鄉人頌之曰隱

姓埋名岳景山嘗讀書於橋頭河之臥虎崗與蕭剡音相

友善所著有六經四書註弗果傳前志稱其解禽鳥語未

之詳也

葉公夔能曰余考邵陽高節獨行士得一人焉岳崧也崧

好古博學嘗註六經四書覺不及程朱隨毀之蓋意氣不

下古人如此抱道深藏不仕其於出處之道審矣豈易得

崧爲韓城教諭非不仕也

哉

新志曰。按元史無崧傳。志所載如此而已。他無所考。而其

著述又無傳。然固一時之學者也。蕭劑。字維斗。號勤齋。諡貞敏。奉元

人。見元史儒學傳。史稱其博極羣書。天文地理律歷筭數靡不研究。及門受業者甚衆。則其所善者可知矣。

王賓中統時。黑池里民家貧。少孤。事母至孝。常竟日不食。而母之甘旨。未嘗闕。鄉里皆稱之。

明盧崇。幼讀書。明大義。洪武二十五年。再從兄居。爲吏。坐法。成遼東。亡。捕之。不得。檄取克。伍。逮。及婦人。舉族驚惶。謀遁。崇毅然願以身代。其妻王氏請偕往。是時生子讓。未滿。

月居妻請代撫之以延宗祀於楚舉族置酒羅拜哭饑崇
意氣自若從牖中一視嬰兒慨然登車去既至遼陽屢立
軍功遷小旗數十年夫婦俱以壽終生二子曰敏曰聰讓
聞父母歿哭曰吾親既死遠方骸亦不歸可乎乃徒步至
遼與敏聽相持泣既而言歸葬二子爭之兄弟不能決乃
訟之有司有司令鄉人議之讓曰間關數千里至此謂何
不能歸葬有死而已乃蓬首跣足臥墓側旦夕號泣不食
數日二弟知不可奪乃聽其扶柩歸厥後兩地子孫日蕃
讓之六世孫醇成進士敏之曾孫表以戰功世襲百戶表
之孫韜道崇正乙卯舉人韜德武解元韜德子士俊爲

江知府。士傑。康熙癸卯舉人。

魏津。字宏濟。父銳。以津貴。贈如其官。津由宏治舉人。除知

○作○官○第○二○事○

河南偃師縣。有清操。滿秩陞雲南臨安通判。以終養歸。未

幾。丁外艱。服闋。又補四川重慶通判。正德丁丑。自乞休。致

年八十卒。祀偃師名宦祠。其邑志云。津持守端方。居官平

○受○恩○之○文○矣

易。修文廟。建鄉學。纂邑志。緩征輸。在任九年。士民不擾。誠

循吏也。子四。長廷捷。學生。幼穎異。有神童之名。早卒。季廷

揆。別有傳。

王傑。字文英。號古莘。幼爲諸生。有文名。學使戴公珊見其

文。嘆曰。此三秦豪傑也。拔之。遂食餼。楊公一清尤愛敬焉。

嘗標示其文於列郡以勗諸生一時聲譽藉藉舉宏治乙卯鄉試正德時通判開封擒鉅盜閻景和又破賊於鈞州民賴以安傑爲人質幹廉以律己公以處事有不可者雖權貴臨之弗挫也尤精律學斷獄悉得其情吏民憚焉巡撫河南都御史蕭公翀委視屬邑恤民隱祛吏弊恩威並用境內肅然以勞瘁致疾卒於途啟行笥有書數帙布衣二襲錢僅三文而已觀者莫不嘆息泣下云

褚錦字文敷宏治舉人執親喪盡禮廬墓三年知無極縣致政歸杜門守貧年八十卒舊志與錦同傳者又有五人不詳時之先後車宗湯任守成俱貢士宗湯字自新父釗諸生言動必軌

於道鄉閭以嚴師事之。每誡子孫曰：凡畏人知事，卽不可。慎獨之功也。

作宗湯母病癱，負之起居三十年。如一日爲廣靈訓導，遷

解州學正。以剛直不容歸，年七十五卒。父子俱祀鄉賢。守

成字子述，事孀母至孝。以孝行授壺關訓導。未幾棄官

歸事母，母年八十餘，孝益著。党九泰、秦學詩俱諸生，父母

歿俱廬墓三年。府志云：學詩和曾孫，父歿負土成墳於垤頭，鑿土穴居之，夜盜經其側，爲寒原

遂不歸穴中，惟一蒼薦，夜盜經其側，爲寒原。魏維恢、甘泉

辨旣感愧，不復爲竄。學詩居。里民居喪，哭哭盡禮。三載，酒肉時逢親忌及

己生之日，每哀念至，廢食不食。如不變邑人，與褚文敷並

稱焉。

梁欽貢生。

未詳何時

父喪。三年。夜有羣盜經墓側。僉曰。此

梁貢生行孝處。勿驚。

此、因、前、傳、而、

者。又有四人。侯臣。並享親色。養備至親。歿哀毀骨立。不御

禮格。甚高。

酒肉者。二十有五年。嘗輸粟佐邊。給九品冠帶。三原馬公

理爲之表其墓。梁繼默。剖骨肉以療其祖疾。祖立愈。父歿。

廬墓三年。巡撫都御史孫公傳廷表其門。馬顯祚。明末盜

起。所在殺掠。居民逃匿。顯祚父病篤。不能行。顯祚侍左右。

其父揮之去。曰。我老病死。何足惜。若宜遠避。全吾後。吾目

瞑矣。顯祚跪而泣。曰。臨難棄親。縱免。何顏立天地間。遂呼

天。父子相抱哭。俄賊入。問焉。以實告。賊嘆曰。此孝子也。相

卒而去。於是父子俱全。馮大仁事寡母。惟謹終身。無違色。
妻康氏。亦至孝。人稱爲馮孝子。有司表其門者數矣。又好
行其義。睦族親鄰。恤患扶危。邑人爲勒石以傳。
魏廷揆。字汝向。號彭衙。嘉靖舉人。嘗撰邵陽志。相傳康孝
廉。乃心藏其志於家。不知存否。所著詩文。今存者鮮矣。
范燧。字以本。號羅岡。父棟。邑學生。封戶部郎中。贈四川按
察副使。燧以嘉靖己未成進士。時嚴嵩當國。勢甚熾。公絕
不與通。需次當選部。屬嵩子世蕃使所親。問欲何部。蓋誘
之賄也。公正色謝曰。六曹皆王臣。惟上命耳。乃拜戶部湖
廣司主事。蒞事周慎。稱能練。權崇文門稅。核欺隱。不避權。

貴督淮倉罷商船橫徵。後諸司郎缺兼攝三四篆事無滯者。於是當道者悉才公。適漕運多阻滯。命公督之。應期至。陞四川按察司副使。備兵川東。公爲人恬澹清約。守正不阿。而長於吏治。川東山谷崇深。多盜。公至。定約束。禁邪淫。固城垣。飭保甲。盜不敢發。又擒妖僧。剪土豪。雪冤獄。川東帖然稱頌。凡匹載報。最以憂歸。服闕。應起。或勸其一干江陵。可大用。公笑謝曰。面人乞官。豈我素乎。後歷官河南布政司叅政。分守洛陽。卒。以剛正不合時。爲小人所中。傷引而退。公天性孝友。事祖母父母。養盡歡。喪盡禮。與弟灼親愛。特至居鄉。以仁。凡死喪婚姻。周濟者甚衆。修學宮。以

翼文運而萬歷己卯壬午舉於鄉。六人郤前此所未有也。子三垣堤垠俱有文譽。吏才時人呼爲范氏三鳳。云公墓在范家窰西。

范垣字伯師。幼岐嶷穎慧。登己卯賢書。知山東高密縣事。至迎刃解。盡心愛民而嚴以御吏。三月高密大治。是時倭奴啟疆緣海騷動。公募民兵分部伍。明號令。諭以親上死。長利器械。習擊刺。久之遂成勁旅。修城濬壕。更築郭外崇墉。申固堤防。於是屹然稱巖邑焉。旣而歲大祲。乃請發倉廩以賑之。委授有方。全活者萬有七千餘人。公曰。大凶之後。必有厲疫。可無慮哉。捐俸儲藥以待。已而全活者又不

可勝計。三年盜賊屏息。荒土盡闢。刑罰不施。絃歌比戶。由是聲名動遠邇。薦膺累十餘上。而公恥事奔競。乃遷雲南大理府同知。至卽署府事。例歲貢金。有樣金若干。歸之府公。却之。除其例。土司之餽甚厚。概謝之。夙多盜。公嚴保甲。時巡輯。飭衛所。申守備。數年中。萑苻無警。土司負嶠者歸命。百姓以寧。兼之聽斷如神。廉明之譽益著。顧遷爲王府長史。上官俱太息。公無愠色。旣爲趙王長史。王甚重之。未幾以老疾乞休。卒於家。公吏績不愧其父。而篤於倫常。端方仁厚。不忤不狎。不輕喜怒。不設城府。又人之所不可及者。子欽。鴻臚司序班。性嗜古。不樂爲帖括語。遂棄舉子業。

博涉經史工詩賦。又嫻音律。所著詩篇。南北詞曲。多爲人傳誦。孝友忠厚。不墮家聲。崇正八年七月。流寇犯境。所過燔掠無遺。銳急趨家廟。護主。值賊騎突至。被執不屈。一賊擲于地下。銳大罵不絕。遂遇害。知縣范志懋請於上官。旌其門曰節孝雙全。

范堤字叔防。拔貢生。博學工文章。具用世才。知山西岳陽縣。扁其堂曰好惡同民。於是緩征省刑。導墾闢。崇士習。表孝義。鋤姦慝。數月。頌聲大作。平陽府推官楊某署其考曰。清操堅如執玉。長才利比發礪。三十五屬之吏治。惟先數千萬家之人生。永賴。乃逾年以疾歿。士民巷哭罷市。論者

或謂其文如曾子固品如王彥方政如鄭子產云子鉉見後鉞北城副兵馬

范垠字叔際拔貢生知伊陽縣伊陽故貧瘠公潔己緩征督耕開渠民用饒足又明敏善斷吏不得爲姦嚴保甲戢盜賊久之稱樂土焉初叅政之守河南也嘗賦雒水清四章以自勗公書之座右爲銘又自揭一聯云潔已成家貪

愛一錢神鑒平心體國虐殘百姓天誅其蒞任之初值大荒人相食流離載道公招撫安集勸富民輸粟設粥全活者甚衆又見野悉黃茅未粘不入乃合訟者納茅根以爲其理於是野盡闢則薪茅根爲甌甌甃城蝗起捕之納

者予斗米民無饑而焚蝗卽以糞田其才略多此類五
年遷絳州知州又補趙州陞湖廣黃州府同知未赴任致
仕歸伊陽爲建祠肖像又請於上官入之名宦祠祠尚無
一人公首列且生入焉民之感戴可知矣新志云公行狀
無存絳趙二州治績莫考特據伊陽治績爲之傳云

論曰范氏自羅岡大參公以文學起家廉正多治績而其
子三鳳並鳴家聲益振觀伯師之治高密大理叔防叔際
之治岳陽伊陽吏才俱堪稱述而余於叔際伊陽之政尤
歎其爲真經濟云

秦和性孝友有子三人弟早卒遺一子尙幼和撫之不異

己子同居數十年。家初貧。後漸豐。累貲鉅萬。皆和所經營者。和老。析產為二。一與弟子。一與己子。親族咸曰。汝家貲非祖父所遺也。四子均分。亦足矣。今無乃過乎。和曰。不然。吾與弟同居。弟不幸早亡。其子與我同居。即兄弟同居也。既同居。又何論誰所經營乎。卒兩分之。迄今十餘世。子孫千餘人。稱望族。進士鎬。其六世孫也。

王化字大治。貢生。時無可考。自少端簡。有隱德。鄉人皆信其不愧屋漏云。為謀署經歷。有以百金饋者。悉納諸公。登按以法。尋擢重慶府通判。致仕歸。力耕好修。年九十卒。

鄉賢祠

盧拱極字頴甫。秉資奇傑。嗜學博覽。爲文與扶理窟。與三
原溫恭毅公純相友善。溫公嘗稱之曰。盧君之文。可與定
性書並傳。其見重如此。性端嚴不苟。舉德行者九。隆慶時
應首貢。讓於同學生任守成。守成者孝子也。鄉里稱之。萬
歷八年。乃貢官。鐵嶺衛經歷。遷韓王府審理正。告歸。子巨
寰。亦有文名。學博而精。爲文才氣橫溢。性剛介。好禮。以貢
爲惠州府訓導。又爲諸城訓導。能世其家學云。

車朴字中甫。號望華。解州學正。贈四川按察副使宗湯子
也。生而穎悟。軼羣。數月能言。五齡解詩對。十齡能文章。少
孤貧。篤志力學。通五經諸子百家。靡不成誦。葉公夢熊。請

郃陽丞公從之遊。頗見禮重。萬歷壬午。舉於鄉。爲河間教諭。擢國子監學錄。上疏以九事匡君。曰釋聖心。擴聖度。廣聖孝。緝聖德。隆聖治。崇聖體。通聖澤。怡聖情。培聖壽。幾萬言。惓惓於君心之一悟。蓋忘其職之卑也。不報。當是時。上在位久。百度廢弛。朝廷朋黨日盛。災異數見。公憂之。陟刑部司務。調吏部。復疏七事。一曰表彰小學。以豫培養。二曰科分大學。以盡材品。三曰稍寬資格。以示風厲。四曰優禮待以養廉恥。五曰重貪懲以警官邪。六曰重藩僚以惜名爵。七曰平紛囂以銷黨禍。纒纒萬餘言。皆切中時弊。又不報。天啟元年。晉兵部某司員外郎。先是遼左失守。公請進

兵以戰爲守。獻八議。於是有犒軍遼陽之行。復命。又奏五事。皆莫之省。有自遼左逃歸者五百人。郎中俞大成欲悉殺之。以爲奇貨。公抗疏救之。歸者獲免。大成被譴。陰合其門生御史侯詢擠公。公見朋黨之害日深。不可挽。嘆曰。天下事尚可爲哉。因上疏乞老。時年七十餘矣。崇正元年。特起兵部車駕司郎中。是時懷宗卽位。誅魏瑞。舉賢才。除弊政。厲精圖治。公慨然有澄清四海之志。乃門戶卒不可除。資格卒不可破。公方以事爲憂。將大有所建白。乃左遷四川按察司副使。分巡威茂道。公謝病歸。士大夫知公者。交章薦之。堅臥弗起。公至性忠孝。終始惟一。惜未竟其用。敦

睦族黨。葛巾野服。與父老子弟優遊林泉十餘年。年八十有四。以疾終。祀鄉賢祠。公文章醇茂。有董賈遺風。著書凡數百卷。燬於兵。

康惠民。原名先民。字念劬。少警敏。年十四。爲邑諸生。十六。食餼十八。以春秋應萬歷戊子鄉薦。事親色養。俱備。讀書不求人知。密爲省辰圖畫。所爲夜必錄。授臨邑令。是時中官干政。外吏以苛迫爲能。災傷薦至。老少散四方。又內璫監稅。滋擾朝命。括搜藩田。惠民持正省事。徵科無累。獄訟無冤。民得守廬井焉。鄰民訟者。紆道來質。偶過鄰境。有賣娠婦者。夫無子。痛哭不能決。惠民倒囊贖之。異時夫婦相

子叩墻下以繼母憂歸。臨邑老幼遮泣不能釋。抵家著春
秋左翼。泰昌元年卒。臨邑祀名宦祠。邵陽祀鄉賢祠。
雷翀字翔宇。幼穎異。家貧不能讀書。有李翁者教授里中。
偶爲訓解句讀。卽領悟。翁異之。令受業。朞月文名大震。補
博士弟子員。試輒冠。其曹萬歷己酉舉於鄉。益篤志於學。
歷榆次清苑。豐潤。教諭澤州學。正遷絳州知州。多惠政。歲
饑。人相食。力請蠲租。自捐俸煮粥賑之。不足。盡家粟千餘
石。輓舟而上。濟之。全活者數萬人。旱閔。雨刺指血爲文。以
禱。雨立降。火拜禱之。頓熄。時寇盜充斥。戍卒爲民害。公別
建營房居之。嚴約束。民弗擾。而設守備。利兵刃。儲硝黃。精

火器民恃以無恐。公爲人仁厚。嘗達人有善必揚之。有難必救焉。綽有憂樂同民之意。初爲廣文。力作人才。多所成就。其蒞絳。絳科甲寥寥。堪輿氏謂城南汾流不利。公立召役修之。忽大風起。一夜湧沙如環帶。而科名遂盛。又嘗以歲荒。傾橐金徧濟貧士之急者。故士民頌之。至今不衰。及罷官。家居二十餘年。孜孜讀書爲善不倦。著述甚富。施德於鄉里者甚廣。凡貧不能娶爲畢其婚姻者數十人。歲荒有以半值鬻產於公者。公如其值予之。積穀四千石。盡出以給其里人。而知絳州時。又嘗捐貲還濟郃邑之饑。遭火藥敗。千觔爲禦。僦備後果。有寇至。力攻。十七日不能下。而

此有以禦之也。公年八十有六而卒。墓在天柱山南。有二女。皆苦節終其身。見本傳。一妾從公死。見雜記。孫學謙別有傳。守謙見選舉。

康國相字芝函。弱冠。負文名。萬歷戊午。經元崇正時。上封事。兵部尙書梁廷棟。召與語。奇之。歎爲文海武庫。顧不能用。後授玉田知縣。復知藁城。罷歸。晚年學益力。文益離奇。不測著述甚多。遭寇亂。燬於兵。或傳其畫像。記曰。客爲予圖像。情鬱鬱不舒。予取琵琶爲彈。一調猶未暢。援琴而鼓之。奏客竄一曲。客釋然。作而曰。美哉融融乎。公坐危形。舒色愉神。澄是可像。已旣成。僉曰。像予曰。像像我耳。異時無

我○誰○像○耶○且○異○時○見○可○見○之○像○能○見○不○可○見○之○我○耶○固○知○
今○謂○像○像○我○也○異○時○謂○我○像○像○也○謂○像○像○我○像○猶○像○也○謂○
我○像○像○像○即○我○矣○是○則○我○亡○而○像○能○不○亡○像○之○不○亡○我○常○
存○已○而○像○能○終○不○亡○也○耶○

李時暢字中號皇字明神宗朝由副貢合廣靈有異政
擢巴郡牧培文風教民間紡織邑人戴之

謝誥崇正庚午由舉人授汶上令素廉介善鼓琴邑人士

多宗之蒞任明農課士饒有治聲等以事歸宦囊一琴而

琴俱在

已自是閉戶不出教授生徒閱其文能豫決其窮通富貴

時與李向若二君諸公飲酒賦詩以終

楊雪梯字天衢由崇正舉人任山西襄縣令時值屢凶流
寇蜂起夏民饑相聚數百人奪富民粟土憲聞之欲以流
寇論公力持不可治其渠魁數人餘俱安堵民懷其德立
祠祀之。

鄒邦榮歲貢生官華亭教諭景正四年流賊倡亂被華亭
知縣與丞簿俱逃邦榮獨著公服坐明倫堂上賊入執之
邦榮大罵不屈遂被害。

范如游字仲藝岳陽知縣堤之孫父鎰諸生贈襄陵教諭
如游以舉人教諭襄陵陞山東武定知州蓋崇正十六年
正月也據新志是時我

大清兵入山東。所至州縣皆下。將北旋。如游聞命。不待文憑。單騎馳赴任。次德州。聞我

大清兵將攻武定。中夜倍道行。二月二十四日。至武定。卽誓衆登陴。馬嗣煜者。同州人。濟南府通判。署州事者也。如游與嗣煜。及城內官紳。抗慨歃血。誓死守。如游守南城。北則嗣煜。東則守備劉某。鄉紳吳某。西則照磨趙某。學正寇某。於是修櫓堞。簡器械。備餼糧。部署甫定。三月三日。我

大清兵直薄城下。四方環攻。如游力守。明日。鬻所乘驛三。頭得銀五十二金。并囊中所餘。共二百餘金。悉易錢。犒守者。且申軍令。懸賞募死士。人皆感奮效死。初五日。內外忽

崩潰或勸如游避去如游張目叱之奮臂仗劍率親丁馬上驥雷希斗民壯袁大賈尚賓等殊死戰上驥等十三人俱戰死如游尚昂首砲臺血戰移時力盡被執不屈死嗣煜亦死之越數日有親丁被執者逃歸得如游屍於亂屍中棺殮返於家其父方請題卹而闖賊李自成已陷西安遂止。

論曰范公之死武定也人皆稱其忠烈信哉然亦守土之

欲得物先抑

常無足異者余獨謂公甫陞任武定時尚無守土責若循

得問

例需文憑則不及難矣公顧聞變倉卒不俟文憑而往遂

致其身焉視古守土死者又孰賢歟

新志曰。闖賊之入關也。縉紳多受僞官。舉人則授以僞防禦使之職。而邵陽之舉人。不從賊者四人。諸生不從賊者六人。

與范如游。同登癸酉賢書者曰管大音。曰李灌。大音字希聲。聞僞命。與呂氏兄弟遁入華山中。呂氏兄弟者呂鈞。得璜也。隱姓名。擔簦負笠。與奚僮爲伍。人無知者。嗣後結廬於河滸。讀易數年。卒。灌字向若。聞闖賊陷京師。懷宗身須社稷。北向號哭。晚於乳羅山下。穿石鑿谷。將老焉。未幾而卒。灌爲諸生時。學使賈公某。奇其文。置第一批。曰閔子文。使人震懾。但恐子才大地氣。不堪任耳。

登崇正己卯賢書者呂氏兄弟也父攀龍諸生篤學積行
老而愈力著有從心錄釣璜字元佐得璜字仲佐謝絕人
事殫心著述父子兄弟自爲師友所著有四書講義古今
關範野人集諸書

諸生雷鳴陛字春聲不赴賊試其父迫之投厓幾死後教
授養親年八十以壽終同時高蹈者李文蔚董宗舒楊芳
譽文蔚字含美宗舒字漢儒芳譽字君實皆守志伏處山
林宗舒更以孝稱甯法者兵部員外郎時鏡子也字季騰
爲人木訥言動不苟能任事崇正八年范合志懋城守拒
賊浹百功焉闖賊入關僭號法痛哭棄諸生隱居橋頭河

之栢巖躬耕力食。四十八年不入城市。署縣事。郭傳芳嘗
三造其廬。不得見。年八十七。寢疾七日不言。忽一日起。行
數步。整衣冠。書不愧天地。不愧君親八字。置懷中。端坐而
逝。初。沈從范令講學。考訂禮樂甚精。後益淹貫。躬修益篤。
人稱爲理學真儒。著有丁祭考議。王化溥。字叔泰。初爲諸
生。自闖賊入關。遂爲頭陀。不復與人事。人無知者。以壽終。
或曰。其學甚博。惜無著述傳於人間。
宋尚奇。兄弟三人。尚奇長。母鍾愛二少子。尚奇亦愛之。及
分產。悉以美者讓二弟。二弟不肯受。則逃去。曰。二弟不受。
吾不歸矣。二弟不得已受之。乃歸。其他善行甚多。鄉黨

舉之邑宰旌焉

宋耀殷字景湯諸生好學工文養親以孝稱喪祭盡禮兄
歿河南徒步扶其櫬以歸事嫂撫孤姪恩義有加有從姪
幼孤母嫁又犯法出亡二十餘年不知所往耀殷保其產
及歸付之并所入焉○主○論○更爲娶婦以延其宗教子有義方常
曰貧莫貧於不聞道賤莫賤於不知恥無財無位不足爲
貧賤當以德行爲先文藝次之子觀登賢書

李翰材諸生居喪與魏維恢同遭歲祲闕宗黨掩餓殍露
屍

李養棟諸生負時名邑令吳隸李芳春兩延西席未嘗干

以私聶溶嘗扁其門曰濯羽凌霄。至今輿論歸之。

崇正十三年大饑，死者十七八，尸骸委積，有儒童雷太和者，惻然不忍，哭告其父松曰：「吾家尚有餘糧二百石，產約二千餘金，何不施以濟人？」松曰：「善。」乃立散二百石粟於饑者，又鬻產施千棺，捐地三畝爲義塚。知縣大異之，報上官奏之，朝賜松冠帶、大和衣巾。又有康國梁者，亦出粟賑饑，多所全活。子姬徽，諸生於

國朝。順治十四年，捐賑活八百餘人。國梁，字棟，字雍正中，祀忠孝祠。

楊韻，字馨若，諸生。能任事，樂施予。崇正十三年，饑民相聚。

五、數十輩突入村堡，衆將擊之。黠急止之曰：「此饑民，非盜也。擊之爲所傷，固不可。傷之又奚忍？」遂出積粟數十石分給之，衆羅拜解去。

國朝順治五年六月九日，里人相傳澗中深處有呻吟聲，莫敢視。黠率衆往，見一人裸體垢面，項中數刃，衆議掩之，滅其跡。黠曰：「不可，此被賊害耳。幸不死，今掩之，是我輩殺之也。促昇歸，洗拭，加衣被，灌以湯，其人稍蘇。越三日，方能言。蓋榆林人，爲同伴所害也。延醫治之，百日愈，贈之金，使旋里。黠子佺舉於鄉。

李穆，字元谷，諸生，工古文，自號鈍翁，有集曰率意稿。新志

以其自撰墓誌銘爲傳，今仍之。誌曰：鈍翁性朴率，木強不喜浮靡，不能隨俗遷就，少涵養，語無忌諱，是以落落寡合，動輒得咎，惟其心事坦白，無他蹊徑，故不計人之喜憎也。十四歲始爲文，中更失學，無師友指授之益，獨任己意，好讀古今雄奇文字，爲文不就，繩墨屢應童子試，不售。崇正元年戊辰，歲大旱，斗米銀三四錢，關中盜蜂起，辛未又饑，癸酉大饑，至乙亥八年之間，賊日熾，攻城屠邑，所在焚掠，民無寧居。朝廷命將征討，兵驕將懦，卒無成功。是年賊十餘萬來攻郟陽，邑侯范公激勵士民，晝夜堅守，旬有六日，乃解去。丙午，盡入河南。丁丑，吾方入泮，庚子又大饑，斗米

一初有餘，癸未十月，關門失守，賊陷西安，三秦悉沒，吾舉家避兵堡砦。甲申三月，京師破，國亡。乙酉，

大清兵入關，賊遁去。戊子，方稍寧靜，歸家教子學問。戊戌，後，父母兄弟相繼亡，門祚益衰。吾嘗恥作流俗中人，卓然自立，表見於一時。好觀古史，見君子罹禍，不禁泣下。見好險，殘賊得意，不覺拍案呼號，恨其不誅。聽者以爲狂。今已矣。吾生平志遠而智短，心甚良而力不足，所以碌碌終身也。妻苗氏，四男一女一孫。吾今七十二歲，或者棄捐溝壑，不知所終，未可知也。幸而且夕死於牖下，得從先君子於九泉，未可知也。或天假數年，得見吾孫成童，亦未可知也。

其卒其葬不能前知。故不書銘曰：此乃吾之安居，是非得失至此皆歸焉。有惟此乃爲永久。乾隆十六年入鄉賢祠。子閔中字幼韓，著有讀銘齋詩，見選舉。

件從龍字鳳儀，增廣生。明崇正乙亥歲之七月，流寇圍郟城。城外人跡斷絕。從龍居永寧寨，義激於中，乃使其邨人能日走三百餘里。曰：趙子清者，直走潼關軍營。是時關門戒嚴，子清大呼火急，公文門開。上官發文視之，則諸生件從龍顛請援兵急救民社呈也。呈言流賊本月十五日破澄城。十六日又圍郟陽。已經三日。范知縣李守備極力撐延待救。上官縛子清謂郟陽無賊，若立死。子清慷慨流涕。

首賊狀且願坐。遂繫子清於馬尾。二鼓起兵。黎明抵邵陽。境上邑金水橫流。城南深溝峻坂。岷崎萬狀。大兵疑賊伏。其中乃間道至城下。賊遂潰奔城。以是保全無失。而從龍與范李之功俱不可沒矣。

國朝雍正己酉。邑令朱閑聖丞何瑛。廣文張拱辰。尉王應元。及士民謀所以不忘仵君之功者。爰鑄諸石而位其主於三仁君之側。

國朝秦五舉。字子顯。少英異。力學潛心經術。爲制舉義。醇正蔚瞻。名馳關右。試輒超其羣。顧終不得一第。中前明崇正庚午副榜。居恆重然諾。彌廉隅。事父母處昆弟。以孝弟

聞左公懋第為韓城知縣聞之禮重焉歲饑鬻產以活宗
 族友死於賊從亂屍中尋其屍以歸及賊攻其堡衆危懼
 失措乃據匡床高誦楚詞及胡氏春秋而手利刃為自決
 計曰得正命而死足矣賊解去卒無恙家令有讀書課文
 之外無餘事受業者甚衆嘗自號惟石而為之說曰惟石
 者何秦子也孰謂之自謂之也自謂之奈何物之美者莫
 如玉舍美玉而取惟石不亦惑乎夫玉潤美而砥礪得而
 似之砥礪可以為玉焉知玉之非以砥礪也吾嘗陟山巔
 涉水涯見有兀然立者惟石也無媚態有渾容有拙體無
 圓形色蒼然質凝然風雨之所不能侵雷霆之所不能

此真。有。學。守。者。

堅確其中，幸稜其外，其超然自貴者歟。玉中行也，砥砭之似玉，鄉愿也，惟石狂狷也，以吾爲中行，無其學，以吾爲鄉愿，無其性，必也狂狷乎。

國朝順治時，以恩貢生。

廷試，候選州判，著有麟書風雅。

韓城解
拙存序

及廣我集數卷子。

鎬成進士。

論曰：余觀秦氏所著麟書風雅爲類十二，而其條二百十有四。櫟括春秋經傳，依韻成聯，聯皆以三、四、五、七言爲次。讀之鏗然，洵爲風雅之書。然須大筆刪定，方可梓行也。侯樹屏字建侯，號吧瞻，西平訓導鳳儀元孫也。公爲諸生。

時卽以孝聞。崇正中遭流寇。其母雷氏方歸寧。公倉卒獨奉其父諸生在庠。入城避之。俄聞母家鄉砦失守。遂泣請於邑令啟門。急赴母家。道遇寇。被執告以故。寇曰：孝子也。竟釋之。比至而母已赴井死矣。公痛哭急營葬。後嘗書粟版置座右曰：爾忘爾母耶。泣血終身。節孝俱見前志。崇正壬午公舉於鄉。

國朝順治十三年除知山西朔州。朔值姜瓖變。後土著者僅八百餘丁。於時招流亡撫凋瘵。期年而稱樂郊焉。又以邊地祀典缺略。捐俸置禮器。手較丁祭考議二卷。餘如修學校。禁豪強。慎刑罰。俱見朔州政略。十七年以最遷廬州。

江防同知去之日。百姓攀轅泣送者數十里不絕。後皆繪象祀之。又崇祀朔州名宦祠。

論曰。公之孝至矣。而其治朔。又何教養並著也。於乎。孝於親。必忠於君。必慈於衆。道固相因。而不易者歟。

李宏烈字爾承。八歲能文。十二歲入庠。與雷學謙甯林康懋典稱邵陽四大家。比於江右之羅艾章陳雷甯先後成進士。宏烈與懋典俱不售。久之。膺歲薦。詩文率散軼罕有傳者。

康懋典字憲明。藁城知縣。國相子也。康熙某年。以恩貢官吳堡教諭。告歸。其少也。性敏慧。美丰儀。操行端潔。讀書多。

曠識爲文高岸堅刻如天外三峰觀者不知其立義設想
所自尤喜離騷史記韓退之蘇明允王半山之文論制義
少所許可心折者惟有金陳輩數人而已自諸生至司誦
莫引後學所成就者比比嘗謂子弟曰古○人○文○章○至○處○情
耳○理○耳○文○生○於○情○情○生○於○理○也○或○問○詩○曰○詩○在○無○言○處○每
一朗誦卽令人豁然以解當闖賊之入關也繫宦家子醉
刑索金錢懋典與焉死者千百數懋典泰然無懼色披陳
朗悉且爲范公子代白賊首肯釋之人皆服其膽顧以廣
文終論者惜之

景遇字會昌宋侍郎德驥之後也敏悟殊絕讀書不拘

人總表明。崇正末學使汪公喬年。拔置第一。

國朝順治丙戌。闈中得其文。稱爲先正典型。擬元以小誤。置第四家。素貧。後授四川榮經知縣。其清約如故。縣與滇南西域界。爲茶馬貨易之地。舊權以爲利。除之。商民大悅。以失上官意。罷歸。邑人立祠。刻石頌焉。家居益肆力文學。日與子弟後學。譚經講藝。不輟。郅之科第聯翩。蓋得其引掖繩削之力居多云。

李學孔。字淑予。號瞻黃。順治戊子恩貢。九江府江防同知。性嚴重。動止不苟。治家有法度。潛心經史。著有皇王史訂。

中庸心印諸書行世。居官清慎明決。上官嘉其能。比遷以老辭歸。士民建祠奉之。

趙昌宗。順治辛卯舉人。任山東武城令。捕蝗賑饑。俱有方。前令以里民逋賦。罷官不得歸者五人。昌宗以義諭之。百姓感激。勉力輸納。五人乃脫。在任六年。以母老終養歸。

雷學謙。字大吉。號來石。

贈桂林府推官喬齡子。天資絕倫。經史過目。輒曉暢大義。爲文逸宕瑰奇。成一家言。順治乙未成進士。授廣西桂林府推官。時廣西初闢。人多觸法網。公務欽恤。所平反者。願衆以清正聞。外艱歸。康熙元年。考選廣西道監察御史。請

銓政劾曠瘼舉朝憚之應

詔條陳時政得失數十事

聖祖皆嘉納焉。巡視兩浙鹽政商民戴之以內艱歸遂不出游覽名山大川。居夏陽德及鄉里甚大。夏陽有五漢人資以漑。在王村者獨鉅。霖潦漲往往沒民田。公率衆堰之時蓄洩利溥不爲害。又城要害具樓櫓防盜盜絕。凡事之病民者言於當事罷之。所尤病者無如潼關車牛站。當事以公言上疏除之。至今人食其福。墓在甯蔡園村。西子倉見選舉。

張紹戩字頌祺號古愚。順治辛卯以易舉於鄉。乙未會試。

中副榜。嗣後計偕。屢下第。康熙壬子。除知常熟縣。士民德之。致仕歸。其教子孫也。先行而後文。人謂張氏家學。猶有馬誠顏訓之遺意焉。子三元。仁豐。俱庠生。

許攀桂。字雲倩。號伊波。世居莘里村。明貢生昇。六世孫也。父應詔。字廷對。一字小菴。壽官。鄉飲太賓。敦厚好施。鄰里有急。輒周之。時人稱爲長者。攀桂生而穎悟。讀書每辰。可記萬言。順治辛丑。成進士。觀政工部。又六年卒。年四十有七。先是。邑令范公志懋。試郃諸童。愛公文。拔魁。多士。公年甫十一。及崑山葉公子循。爲郃令。得公文。又大喜。曰。指日飛騰矣。是年。鄉薦。卽出其門。性孝友。事繼母如所生。繼母

感其孝。遇母忌辰。必焚香拜曰。吾受若福矣。與弟諸生定麟。貢生攀麟。自相師友。怡怡如也。又多陰行。嘗兩拒奔女。時人比之魯男子云。

許攀麟。字子振。號飛巖。攀桂弟。幼多病。父不合就學。顧性嗜學。聽兄讀。輒記憶。兄曰。有資如此。可棄耶。乃就外傳。遂入庠。食餼年五十。貢成均麟之幼也。乳於族嫂。夏夜嫂當門寢。置麟於外。己子在內。夜半狼踰垣入。啣其子去。後嫂無子。麟取族子爲嗣。又殤嫂。改適。遺三女。麟具粧嫁之。視如己女。又嘗典產業授人。於縲絏中。人多其義。生平坦白。樂易教授生徒。以居敬爲主。雖盛暑不衣冠。不見也。孫慄。

字素心號洽涓曾孫秉簡俱見選舉

許太岳字帝臣號黃澣攀桂子少孤事母孝年六十餘依膝下如嬰兒康熙乙丑選拔第一丙寅貢成均試又第一鄉闈兩薦不售晚年究心宋儒諸書訓子姪必先器識而後文藝性嚴重不妄語動履不苟里人尊之漢水舊有魚行大爲民累白邑令錢公除之人懷其德後選高臺教諭未任卒子協孫奉簡副貢生

論曰余觀莘里許氏數世以來多實行而人文彬彬相繼

科貢不絕所謂盛矣顧獨無顯仕途者天之報施積學其

速速固有數哉

此爲積學者有顯也

王又旦字幼華號黃湄父圖南字南漢

封潛江知縣又旦自少力學砥名節言動必樞同古人爲

制舉藝高簡深醇蹈時畦以逢世弗屑也順治丁酉魁於

鄉戊戌成進士康熙七年授湖廣潛江知縣其地素稱繁

庶歷兵燹水潦之餘城郭蕩圮轉徙者相望於道田畝不

均賦日逋民日困公嘆曰政民之庇也害不去則利不可

與於是區畫疆里稽戶籍察流亡核詭匿以鄉規田以田

均畝以畝定賦姦弊無所容而流亡窮困者皆落其籍一

時如解倒懸久之困者蘇流者歸民始有寧宇焉潛江處

漢水下流故有長隄捍水違違潰決橫溢漂沈墓舍田禾

無筭公親春

音本盛
土器

鋪

音番
鑿也

督衆築之轟若雲焮漢乃不

爲患又建傳經書院以課士築說詩臺操縵軒以時講習

於是百廢俱舉縣大治十四年行取給諫外艱歸二十年

授吏科給事中初漢水多決屯營灣屯營爲荊州保障決

則直冲郡治而害及於鍾祥荆門景陵京山潛江諸邑故

堤必諸邑合修事權不一官吏因以高下弊叢生旋築旋

潰成勞盡棄公乃首陳其弊請令各堅所轄罷協濟以杜

誘卸而專考成從之由是湖北免漢水之患二十三年擢

戶科都給事中典試廣東花山者界接番禺清遠從化三

縣崇山密菁鳥道深阻中通四省賊窟盤占十八峒諸險

時時出沒。剽劫爲患。滋蔓將不可圖。公復

命白其事。請建縣治。設官吏。奪蠻荒險遠之恃。使姦宄有所彈壓。而不敢爲亂。

上允其請。粵人賴之。凡所建白。莫不有關國家利弊。

上甚重之。未幾以疾卒。朝論惜焉。公性純厚。孝友。稱於鄉。

廉能著於官。正直重於朝。與人交。一言之出。終身可復。尤

喜獎拔士類。端靖惇裕。不爲畦町。博學能文。尤工於詩。出

語必期可傳。不苟作。以延時譽。故海內言詩者。必新城邵

陽新城者。玩亭也。公有黃湄集十卷。行於世。祀鄉賢祠。墓

在百良村南。子鳩。字用拙。號華農。太學生。鄉飲大賓。著有

松栢後詞一卷

論曰黃濬深於古文者。視天生山史。可肩隨也。顧學者獨傳其詩。是文爲詩。掩矣。天生亦然。

確論

范維霖字用生。號長風。叅政燧之元孫也。父如淹。諸生。贈徽州知府。隴霖以孝友爲宗族稱。易直醇厚。人人以爲長者。順治丁酉。鄉薦。屢上公車。不第。授湖廣棗陽知縣。數年以廉能。最行。取授工部主事。晉員外郎。歷刑部。郎中。出知徽州府。卒於官。初。棗陽俗悍多盜。不事不業。公興學校。課農桑。殲大慝。禁淫慝。由是民安其業。而歌誦興。後權

親臨。清寬厚。以恤商旅。讞獄尤稱仁恕。及守徽。極俗。建

道遠傾家貲角勝莫之恤墨吏因爲利公廉以化之靜以
安之勸諭以熄之於是信順休洽訟獄衰息通判某嘗侮
公公置不較值大計上官問公曰判何如曰才曰聞其侮
君非孱乎曰計吏公典也某不敢藉公典以釋私憾况
本無介於懷乎上官歛容嘆曰君真長者也判遂全聞之
佩匄詣公謝罪蒞徽三年愛民育士善政不可勝紀以試
事勞瘁致疾卒徽人無貴賤莫不縞素巷哭某通判流涕
曰公於我犯而不校德厚矣胡可忘哉爲之經紀其後事
誠無不判
而送其喪以歸子光諭附貢生康熙三十年遵例往湖廣
安集畿民數百家以知縣用未任卒光貽附貢生候選訓

導三舉鄉飲大賓孫堪任諸生正聲歲貢生

王可簡號橋若好施濟嘗捐漢水田畝餘於社築室其旁

以飲行人有貧而鬻子者與之金使攜其子歸除夕見閭

外一人將自縊急趨阻之間其故晉人也貸鄰木棉十斤

易金將完賦遺於道可簡謬答曰吾拾之矣遂如數予之

其人曰非吾金也曰汝金吾已用矣叩謝而去社人高其

義子錫命康熙癸丑進士

王錫命字承天號發華由進士授江南蕭縣令蒞任前二

日宿郵亭夢有匍匐來告者曰吾蕭人也妻與醫迎醫以

藥鴆我死而人莫知乞雪此奇冤錫命下車卽據夢懸之

得其實遂真醫於法時稱其神卒於官囊無一物合邑感
其遺愛以百金櫬乃歸

論曰夢非聖人所不語也今聞王君之於蕭以夢雪克則

知夢有幽明相感之理與誕妄者異且足懲惡也故錄之

若後漢王少林之宿齋音部夜中鬼來稱寃遂與之問答

明旦詰游微伏辜則怪矣

康體謙字受之號立齋明戶部主事姬鼎子也姬鼎字蒼

我號景岳由萬歷己未進士任河東陝西都轉鹽運使司

儒學教授再任國子監學正崇正二年勅授承德郎有超

然自得卓爾人師門心切世工皆水壺玉是水之衰并封其父加

節如某官加節行見解太史引懋所撰綠喬墓誌綠喬者
加節號也。年十歲爲諸生。井虹嶼督學。器之順治庚
子鄉試。誤中副榜。康熙己酉庚戌聯捷進士。後六年卒於
家。夙好袁了凡功過格。又擇性理及近思錄切於身心日
用者鈔輯一編。日誦以教子弟。晚年愈好讀論語。所著行
世者有來青閣制義。又有麟經制義。未刻。子五長。其武次
奕次萬駒。別有傳。

論曰。余少讀立齋制義。喜其體短格奇。然未識其短而精
奇而確也。當時關中學者。莫不家有來青閣一編號。曰卽

派之名不虛矣。陽派蓋自此稿行世後。吾省揣摩家規。撫其體格。獲雋者

頗多。至癸巳甲午丁酉三科盜襲愈多。愈濫。數見不鮮。大
爲立齋。累場屋花樣一新。而立齋制義遂格而不行者五
十年矣。余來仰立齋之孫諸生。久道紹衣。昆季以來。青園
藏本呈閱。余細讀之。始識其理解精確。而其筆鋒復若新
發於硯焉。立齋不朽之業。終在是乎。

康其武。字繩祖。號虎臣。體謙。長子甫弱冠。舉於鄉。授河南
伊陽知縣。縣在萬山中。民貧自明季遭亂。故籍散落。吏胥
作姦橫斂。數倍於正供。公下車得其狀。蹙然曰。是豈民之
父母所忍出哉。盡革之。百姓歡呼歌舞於道。伊陽地卑濕。
夏秋霖雨多。直洫不可耕。公相其地勢。開渠洩水。自是田

家成熟無患。民將爲立生祠。公力止焉。康熙壬午爲河南鄉試同考官。解元李楫出其房。在職三年。廉靜自守。而惠政無窮。巡撫河南徐公潮以爲治行第一。將首薦之。會公卒。徐公悼惜良久。公囊無一錢。斂以故衾。不能歸。賴僚友賻贈。及縣人輸助。始得歸。其觀百姓哭送數十里。不絕祀。伊陽名宦祠。

范光宗字士耿。號談一。明河南大叅燧之六世孫也。父惟樞。諸生。封翰林檢討。光宗生而穎異。辛酉甫弱冠。試於鄉。衰然爲舉首。其文踈落。入古。識者以爲名元。吾省科場風氣自此蒸蒸日上。實公開之。當時慕盧韓公操選評閱墨。

之政亦深許焉。戊辰成進士。改庶吉士。散館。授翰林檢討。癸未陞詹事府右春坊右贊善。兼原職。次年轉左。己丑提督福建學政。癸巳陞翰林侍講。未幾奉襄理河工之命。戊戌回籍。性嗜學。平日手不釋卷。又喜汲引後進。故學者多從之。遊年七十卒。著有制藝及玉堂詩鈔。藏於家。

論與德俱高妙制玩之方知

論曰。吾省鄉闈。惟康熙辛酉甲子兩科。文爲最盛。而兩元

墨尤膾炙人口。然華州

張公會慶

首題文。從郟陽首篇得來。其

法頗密。而筆力稍遜。且辛酉榜名士爲多。司文衡者許公承宣。汪公霽皆名家也。海寧許時菴云。是科鄉墨羣推山左。而真經濟真學問。則秦風實爲十五國冠。并憶及之後。

學可以知所尚矣。

馬爾臧字一斯年二十一失怙事繼母服勤色養三十餘載未嘗少忤康熙壬申大荒收養五齡棄女嫁之又收葬餓死者三十餘人康孝廉乃心題其墓曰純孝一斯馬先生之墓。

秦鎬字宅武號澹菴家素貧年四十爲邑諸生康熙癸未成進士年六十又十年授浙之新昌以老休致生平痛家祠之廢纂士祭儀行之喜讀宋儒書里中承學者嘗數十人經指授率多成名邨人羣議鹽政鎬曰是亂也止之不○法○語○不○從○能○無得後事敗戮數人其先見如此子澧字映林舉人傳其家

學所感就亦多

党維蔽諸生爲人輕財好義常恤人之危鄉里有貧不能
葬者輒解囊助之康熙三十一年大荒道路遺棄嬰兒甚
衆維蔽見則收之出粟覓乳媪養之家素豐時已中落猶
簡先人遺券數百紙焚焉終身澹泊無怨悔

張省括字叔張號南梁南梁公者大宗伯謚文敬之父明

岳池主簿應奎曾孫也祖曰太績字建鼎增廣生父曰昌

禧字元祉壽官俱以公子貴與公同

誥贈光祿大夫兵部尚書公爲壽官第三子年四十有一

始列儒學博士弟子員而前應縣府童子試冠其場者數

矣。爲諸生。又十年始登康熙甲子鄉薦。又十有三年。考選內閣中書。未授職。次年成進士。時公子宗伯已館選。三年。又五年。公遂卒。公夙有文名。而力敦實行。侍親疾。嘗其蠶沒。則哀毀幾不生。家素貧。婦翁董某無子。欲以田若干畝歸其女。公堅辭之。語人曰。恐喪吾志也。顧公僅有墓田畝餘。長兄紹載卒。卽與之。弟省度暴卒。公又撫其子女。婚嫁○氣、盤、折、若已出。而曩在仲兄紹戡。常熟任。凡內外事。皆公代理。絲毫。不入。已曩人。以此服其義。祀鄉賢祠。

論曰。張文敬公。當世所稱名臣也。觀南梁之行。則文敬之得於庭訓者。豈淺哉。○忠、厚、之、言、

張衛鳴字九臯文敬公兄也。九歲能文。年踰壯始以五經入學。設帳授徒。沐其教澤者頗衆。家中子弟皆從學焉。由廩貢。司訓潼關。諸生以經師人師稱之。丁內艱。服闋。又補鳳翔訓導。康熙丁酉。與子玠及從子景澍俱登鄉榜。時年六十有一。方文敬公之督漕也。九臯念其任重。馳赴淮安。以病勤忠。慎爲誠。可謂怡怡而兼乎切偲矣。此亦文敬公治績所由卓然足紀者歟。玠字君錫。雍正己酉。以文敬公保舉引。

見發往山東試用。署寧海州。及文登縣。弟珵字君珮。由舉人。遷陽武知縣。改授寧羗學正。

張大有。字書登。一字火天。號慕華。其先世已見公父傳。公生而孝友。年十九。以五經補邑諸生。庚午。舉於鄉。甲戌。成進士。改庶吉士。散館第一名。授翰林編修。庚辰。分校禮闈。稱得士。纂修。

三朝國史。壬午。丁父艱。服闋。補原官。乙酉。轉禮科給事中。丙戌。充。

殿試受卷官。條奏科場積弊。降國子助教。以居官勤慎。白己丑。至癸巳。五年內。歷遷奉天府丞。丁母憂。丙申。服闋。補順天府丞。戊戌。遷都察院左僉都御史。太常寺卿。己亥。授大理寺卿。辛丑。遷都察院左副都御史。壬寅。授兵部左侍郎。

耶署理漕運總督時運道淺澁公押運抵運實授漕運總督雍正元年癸卯授兵部尚書職銜上漕政八條各船編次保甲俾旗丁水手悉就約束漕船遵定制估造哨船頭公一。生。經。濟。見。於。漕。漕。之。故。詳。載。之。而。叙。次。漕。政。不。支。不。尾高昂便涉風濤監司守備侵魚不職者相繼斥罷請築

箱非老手不能

石壩於得勝張莊二閘適中之地以收水勢設守備於雲

臺止青口鎮資控馭焉江左山左諸省各幫船數多寡不一題請分幫均派又請量減江浙押運通判冗員蘇杭揚泗十三衛守備係繁難之缺選才調換著爲定例江南漕有白帮船者坐僉長運作奸尤甚令其兌糧水次漕船三年調帮白船五年抽換亦著爲例有積欠白糧則設分年

搭通法五年中通完七十餘萬石草坐糧百名以充公帑
其勤於漕務無溢詞弊絕風清前此所罕聞也己酉補工部左侍
郎仍理新漕庚戌調刑部右侍郎旋轉左陞工部尚書押
運抵通蒞工部任壬子調禮部尚書署兵部是年十二月
卒禮部堂司各官奉

旨往奠概歸之日亦各往送又奉

旨遣領侍衛大臣公一員侍衛十員前往奠茶

賜金歸葬遣官

諭祭

御製碑文謚曰文敬祀鄉賢祠又祀順天名宦祠墓在城

北門外張家墩著有綠槐堂集子二。鴻運字君輔號舍長。

雍正己酉。

欽賜舉人以乾隆丁巳會試明通選投扶風教諭己卯以舉人本班除知湖北崇陽縣有惠政鴻恩字君寵號可亭。雍正元年。

恩給一品廕生乾隆庚申選授禮部鑄印局員外郎陞主客司郎中任職勤慎戊辰以疾歸甫痊入都奉

旨以工部郎中用值疾復作仍告歸數年遂卒。

論曰呂氏童蒙訓言當官之法惟有三事清慎勤是也。若文敬公者殆兼之矣。曩時蒲坂崔虞村先生謂余云邵陽

九載總漕一塵不染可謂絕後空前誠然哉

康姬冕字退公號約齋惠民孫也父國祚鴻臚寺序班姬冕年十六爲諸生有孝行嘗取朱子家禮與諸儒所記翼益之彙爲一帙曰居易堂喪禮鈔子乃心名著於時

康乃心字孟謀號太乙又自號恥齋少善屬文小試輒冠其曹尤工詩甫脫稿遠近卽誦讀焉居恆敦孝義進退辭讓一以古大儒爲宗康熙己卯舉鄉試經元庚辰會試不第諸大臣欲薦之固辭歸里癸未

聖祖仁皇帝西巡駐蹕潼關問關中經明行修者韓城劉公蔭樞以乃心奏自是交學乃心大著於世矣家素貧

其姪同居食指六十餘人朝夕拮据而意致灑如嘗慨
前賢遺跡湮廢爲樹碑作傳記無虛日著有毛詩箋莘野
集太乙子及韓城平遙志若干卷生平與咸寧歲貢楊生
芝交最洽生芝字時發亦學行兼優之士也卒後祀鄉賢
祠墓在縣東三十里小伏六村子死疾別有傳

論曰太乙詩文俱有磊落不羣之概殆如其人歟以古作

誰能道及

者律焉偶爾瑕瑜互見顧同時如天生山史皆嫻詩文法

更無道及者

者而於太乙不聞議一字亦懾其磊落不敢吹求耳於乎

吹求太乙之爲人者不知太乙者也吹求太乙詩文者不

知太乙之詩文者也有真知其人者當取其所著而校定

之矣。

范駿聲字文佑號羅峯侍講光宗長子康熙壬午舉於鄉除知望江縣三年多善政其政以除害爲先不侈言興利而民實利之頌聲作內陞兵部武選司主事繼改行人未補歸乾隆壬午邑令以重宴鹿鳴請於撫軍臨期不能赴撫軍委員匾其門并送宴儀至家人皆以爲榮壽八十有七卒子亮鐸歲貢生。

王梓字琴伯號適菴父建才。

贈孝感知縣梓不試舉子業弱冠遠遊後以賑荒例除知

孝感縣丁母憂服闋補任崇安九載秋滿康熙壬辰以

州牧十月至漢口卒於舟中嘗愛新安盧荇浦所著春秋
闡發桐城方依巖所著古事比及武林王草堂所輯文成
公三立編潁陽李子德漢詩音註諸書并刻行于世自著
有槐蔭堂詩集武彞山志亦刻行

秦休字又休號咕瞻更號匪莪五舉曾孫也祖錫字來九
副貢生父汧字伯山邑學生俱

贈翰林編修休夙有文名善書康熙戊子年三十舉於鄉

官職於匪莪無溢詞焉然已不朽矣要知為人作傳者

壬辰成進士改庶吉士習清書散館授翰林編修辛丑分

愈反爲愈不傳也此與秦徽士傳是志中最高之作

校禮闈癸卯丁母憂乙巳補原官丙午改授吏部文選司

郎中丁未發往浙江以知府用委署紹興府未幾

特授廣西潯州府知府。庚戌攝鬱林府事。辛亥改補戶部貴州司員外郎。癸丑又分校禮闈。陞授雲南司郎中。以題
參落職奉

旨發往北路軍台効力。乾隆元年引

見。以年老回籍。八年卒。聞所著有誦詩三十卷。方雅八卷。文集十六卷。詩集十二卷。制藝數百篇。未知存否。

侯信朔字子從號蓮青樹屏孫

馳封翰林庶吉士。諸生燕胥子也。邑學生性嗜古。博涉經

史。爲文不屑雕琢。而自工。試輒前列。以長子來旌貴。

勅封徵仕郎翰林院檢討。來旌及弟來旆俱有傳。

萊旌字天章號穎長別號琢山爲諸生時家極貧養親必

具肉帛讀書或日不再食而誦聲若出金石文饒清貴氣

而黃濁者反是

識者早決其爲玉堂人物也鄉薦後十年成進士改庶吉

士雍正癸卯春分校北闈稱得士未散館

特授翰林院檢討尋改禮部精膳司郎中後引

見奉

上諭云此能員宜調繁缺改授刑部河南司郎中未幾卒

子顥字景溫號蔚林由舉人知永寧縣今年七十有六在

籍次棣字友華號竹亭由進士任蕭山宣平知縣仕不廢

學以父喪過哀致疾卒年僅三十有六次誥諸生次章解

元。

來旆字武。號振偉。澹齋其別號也。兄弟五。獨公自幼得親歡。嘗稱曰。孝讀書玩本文。禁看講章。每有心得。必反諸躬。故其文多精切語。自康熙庚子魁鄉試。赴禮闈。屢薦弗售。雍正丁未下第後。

特簡知縣。又因教職任非其人。奉

旨以姚湘等二十四人授教職。公與焉。遂改授永昌教諭。至則修邑乘。示諸生以學文力行之要。三年。永昌以小學升中學。丁艱。歸服闋。又教諭平涼。李監司桐延為高平書院山長。學者幸其得師。四年。遷安西衛教授。以年老告歸。

素好杜詩。輒效爲之。然不輕示人也。子珣監生孫應鑣。

貢生

論曰。余爲諸生時。聞姚臨溪學師。

諱奮聖
漁關人

云。露井侯氏。自

前明以來。家屢儒素。但知讀書。無他嗜好。蓋其父兄之教。嚴子弟之率。謹久矣。故人文科第日盛。爲時所稱。自今觀焉。豈虛語哉。

侯仁朔。字棠崖。號心山。信朔弟也。素廉靜。讀書汲古無虛日。善行草。八分書。嘗一應童子試。弗售。遂止。爲別墅。題其門曰括菴。取易括囊無咎之義。多蓄奇花異草。蒼松怪石。與同志者吟咏。其間著有成趣園詩集。及書品花通各一。

卷吳郡汪退谷太史

名士

序其書品稱爲好古博物君子

云

康奕字仲葉號爲齋幼醇謹出入必告其親左右侍養有常儀母病值文宗試期不赴母曰是益我病也不得已赴之甫出場卽夜歸覆試獨後至文宗葉公詢其故稱曰孝遂補博士弟子員第一名康熙乙酉舉於鄉屢上公車不第韓城喬南劉公之撫雲南也以素慕其學品聘至署命二子師事焉時有商人罹法者求仲葉庇其事許千金仲葉笑而謝之劉公曰此眞古君子矣教諭涇陽課最勤士習文風因之不變署縣事三月邑人頌其清慎未幾卒於

嘗年七十有三著有爲齋詩稿二卷頗清新尚須刪定又有南遊記聞二卷朱子綱目訂正訛字一卷俱永梓行雷琰康熙乙酉舉人曾祖登朝治家嚴肅祖宏茂以孝聞宏茂子劔飛劔躍明末歲饑劔飛千里負米養親子浪煖諸生劔躍二子長琬次卽琰能文又能遵祖父法同炊內外無間言以家事授浪煖子毓桂毓桂又授琰子廷桂廷桂姪煥孫重陽曾孫萃一門共爨食指八十延及八世雷豫字介石號河嶠學謙孫讀書過目成誦里中號爲神童年十六入庠甲午舉於鄉授鄆州學正鄆數十年科名寥落豫至課試數年掇科者纍纍遷鄒平令推赤愛民禱

雨捕蝗不避炎威。境有水利爲豪強者所據。命案不絕。豫
矢公畫。畔永懸。爭端丁卯分枝。鄉閭所取多名士。年六十
三卒於官。聞所著有叩所雜言二卷。未刻。
張景澍字潤章。號肥菴。更號西溪。祖紹載。增廣生。父謙。處
士。皆以公官。

誥贈奉直大夫。彌勒州知州。晉奉政大夫。公自康熙丁酉
鄉薦。明年春闈下第。留京邸。與諸名士遊。文學日進。繼而
從父文敬公。總督漕運。招公贊理焉。雍正丙午。文敬公押
運抵通入。

觀。

世宗憲皇帝前及隨行贊理者文敬公以公對次日

召見嘉其明敏隨授雲南江川令調永平僅七月復回江

川三載陞知彌勒州癸丑計典膺首薦除授浙江溫州府

丞壬戌題知福建興化府未入都丁繼母艱服闋補知廣

東南雄府行次豫章病卒時丁卯歲正月也公歷任有循

績今可紀者在江川則有完結積年民欠地丁銀五千皆

爲豪猾所侵者又奉文通丈民田除胥吏移甲換乙之弊

○勸勸州值普洱獠逆猖獗督軍蔡公出師征之以公總

○糧務蔡公有所咨謀公竭誠與之商確動合機宜師旋

○議叙軍功列一等又疏淪古水道爲鄉棍所阻湮者灌田

政績

立格卽此可類推矣

以上叙履歷

○用進叙法○使覺運○筆輕妙而格亦入古作文第一○訣○在

數千畝。宦滇九載。一切疑難大案。多公審結。在浙。則有承辦海寧魚鱗大石塘之役。親履海濱。悉心綜核。工無溢溢。餘不能詳及也。公三子。松。字友巖。號慰南。由進士。歷官順天通判。今致仕。年七十。森。邑諸生。早卒。枚。例貢生。候選。翰。林待詔。卒。孫世輝。諸生。

論曰。古稱祁奚內舉不避親。以余觀西溪之績。章章如斯。則文敬公之內舉。可謂忠矣。誰謂古今人不相及耶。康萬駒。字駿公。號信天。善屬文。以歲貢。終選。評明文。題曰三隅集。蓋倣稼書先生一隅集也。其弟諸生炳文。亦參訂焉。爲之序者。督學王公雲錦。已行於世。

璽字肯公。歲貢生。諸生姬微之孫也。爲人方巖端毅。同
儕咸奉爲宗師。事親承顏怡志。其母舅遭寃獄。璽破產以
脫其難。康熙庚子歲歉。或令逐其僕婢。不應。又令奪其佃
戶水田。璽曰。此數十家所待以舉火者也。奪則斃矣。時有
雷姓者。賣女爲婢。璽憐而贖之。使攜歸。一夕盜入其室。璽
佯不知。滅火令之出。終身不言其姓名。所著制義詩歌存
者甚尠。不能成集。而其生平言行足爲士林坊表。迄今士
林猶追慕不置云。

康无疾字百藥。號復齋。康熙癸未年二十有八。爲邑諸生。
雍正癸卯。以選貢入成均。候選州判。庚申。舉鄉飲大賓。壬

成卒无疾

一語盡百藥之行大乎筆也要知作文無他

少能述其父太乙孝廉之學著有復齋文稿

長只是見地高出筆便麗套耳

見一到說出

五卷太乙文諸體多密復齋則以疎致脫化之故筆勁而

氣清昔人論文曰密不如疎當以是爲太乙復齋橋梓之

定評

楊國欽幼業儒精於醫爲人醇厚每問忠孝至性語卽感

動欲泣母卒哭踊聲淚俱盡悶絕家人救之甦復踊起呼

天一號氣絕而死邑人哀之爲碣其墓曰楊孝子墓云與

楊孝子同傳見新志者又有四人魏式鎰生平未詳邑合

陳平時以孝旌秦人麟事繼母母偏愛所生子視人麟爲

路人暮年遭貞疾其子夫婦視之亦如路人人麟與妻馬

氏晝夜調侍冬不就寢夏不解衣者二年有餘其母
流涕謂弟某曰人麟夫婦事我孝我死汝當白之官表其
孝行母卒弟果白之邑令李先茂表其門康熙二十五年
也魏乃圖養親曲盡孝思病則衣不解帶康熙三十年歲
荒以粟與宗族鄉里之貧者百有餘石悉焚其券不索償
人皆德之楊一莪母病家貧不能備參朮日夜悲泣計無
所出乃割左臂肉合藥飲母母遂愈此四十一年事也邑
令錢萬選給匾獎之

李濤字友松號慕山甲辰孝廉性耿介寡合工制義出入
天崇詩大家刻苦脫化成一家言書宗鍾王法曉音律著

有懷麥詩集。父歿。守墓旁。母病不安。枕席。歿則三年不出。戶對人無語。時時流涕而已。與弟家俊相依爲命。家赤貧。至不舉火。而教之讀書。每以汪信民咬菜根語爲勵。生徒從學者。多循循雅節。望而知爲慕山弟子。有安定風。素多病。甲辰秋。歸自禮闈。旬餘日。卒於學舍。無一語及後事。

屈建楚。字授天。邑人。皆稱爲屈孝子。而不名。孝子祖曰瑾。

全傳以此。句發端。格甚百。

壽官。父曰永奇。生子三。孝子其次也。孝子年十三。好讀書。以母王氏病。遂廢學。躬炊爨。侍湯藥。衆卽以孝稱焉。及母卒。哀毀異常。蓋其孝出於天性。非可學而至者。雖廢學。愈於學也。嗣是孝子年漸長。孝子之祖春秋已高。而孝子

之父多積貨不能償家計又日迫孝子獨竭其力悉任之耕田服賈晝夜弗遑冀得親心歡人皆以孝子爲苦孝子不知也繼母亦王氏孝子事之無異於母其卒也值歲大荒葬後孝子有抱憾於中者哀未忘廬墓終喪喬中丞光烈時知同州府聞其事命本縣具詳請

旌乾隆十二年奉

傳中孝子之稱此十有四本史記平原君傳毛先生

旨建孝子坊表其閭而孝子已卒八月矣壽八十一歲祀

反來

忠孝祠

論曰廬墓學者所罕聞况少而廢學者乎屈孝子獨何人也且施於繼母難矣孝子之子諸生良耜狀其父居家處

鄉多善行而於孝子傳概不及焉夫孝順德也○不○知○天下有

○此○義○者○難○與○論○文○也○

孝子而尚少善行者歟作傳當識此義

秦涇字幼湜號洪波鎬子邑諸生乾隆丙辰舉博學鴻詞

丁巳

召試下第歸遂棄舉子業以徵士終徵士自少讀書日數

○好○問○本○勤○學○來○

千言爲文喜稱述忠孝軼事性又好問張月槎前輩名漢與

幼湜同應鴻博試嘗語余云邵陽秦君遇人輒問竟有不

必問而問者何歟余亦疑之後與大荔李子維則法語及

說好問則勤學不待言而其善之博詞之鴻亦可想見

維則言幼湜在小試場卽如是也蓋雖知亦問云所著詩

矣此作法高處

文藏於家子誦謀見選舉

富。以親歿。廬墓。殞身。乾隆十七年。

特旌。建坊。祀忠孝祠。諸生党近池。父歿。王衛生。母歿。俱廬。

墓三年。范銓。父歿。亦廬墓三年。又有富景仁。親歿。露宿墓。

側三年。

王樾。字子樹。孩提時。遇甘旨。卽知減口奉親。母失明。樾常負之行。得其歡心。如是者十九年。

張所。搽母愛。少子惡。所搽。所搽百事承順。今母年八十有八。所搽年七十。猶依依如孺子云。

楊慶益。邑南鄉。廉莊人也。家故貧。以賣菜果爲生。而性則孺慕。能竭乃事親。其妻賈氏。又能以紡績佐之。且孝思懇。

至常有夢益所未及者。故其親朝夕甘旨無或缺焉。乾隆
戊辰歲大饑。米珠薪桂矣。夢益夫婦俱食糠粃。炊時輒爇
其米置所炊糠粃湯中爲飯。奉親繼而中饋無出。將鬻其
子。而其親弗知也。族人感泣咸周之。乃止。蓋其孝素孚鄉
里已數十載。今無閒然。

論曰。余聞廉莊人云。賈氏事翁姑。克盡孝道。過於其夫。楊

孝子。夢益於乎諒哉。此夢益之所以爲孝子也。夢益嘗數

日無食。幾不起。鄰遺之餅。遂匍匐供親。弗忍自啖。如是而

不動其妻之孝。思者殆鮮矣。

車珣善事繼母。嘗拾遺金三百。還其主。又有王以旌兩事。

孝子必多善行

繼母俱以壽聞。史桐事繼母如所生。父病痿痺。居則按摩。出則負之。未有三。年。

楊新國。李際平。王銘。王錫璫。范君宰。雷爾臣。皆於康熙六十年。輸粟賑饑。又有康三多。許錫朋。於乾隆十三年。輸粟賑饑。

論曰。舊志人物。以時代爲次。得邑乘之體。但傳未詳核耳。

邑人物。未得分詳。多門類。

新志則有古聖。寓賢。名臣。忠節。孝子。義士。儒林。文苑。之目。古聖。止伊。尹。二人。寓賢。非卽人物也。餘亦有實不副名者。今觀列傳。可以知其人矣。又何標榜爲乎。

美人吳天作伴

...

...

...

...

...

...

...

...

女。仰。人。物。也。涇。野。呂。氏。高。陵。志。序。
多。矣。可。謂。名。言。其。始。三。后。亦。猶。篇。首。

註。所。引。系。本。又。帝。王。紀。云。高。陵。志。序。

舊。志。云。生。仲。壬。外。丙。能。恪。領。九。嬪。

以。王。業。新。志。云。此。列。女。傳。之。言。而。略。易。其。文。仲。壬。外。丙。為。妃。所。生。豈。太。

子。庶。出。不。得。為。太。子。不。得。為。元。妃。矣。存。考。

三才圖會云禹後有莘氏之女能勤儉孝敬以修

孝。尤著。遺下守伯邑考以下十人發旦皆有聖德。

季兒未詳何時人。

陝西通志與圖備考俱載之漢時而兩漢書俱不見其文不知出之何典

為邵陽廷延壽妻母兄季宗與延壽爭葬父事延壽謀

其友田建殺季宗建坐死延壽會赦乃以告季兒季兒曰

語我乎振衣欲去問所與共殺兄者為誰延壽曰

已死獨我當坐之汝殺我而已季兒曰殺夫不義

季兒之讐亦不義延壽知其義不從已欲以家貨遺之曰

汝所之季兒曰我將安之兄死而讐不報事子請子殺

季兒又何面目而生乎乃告其女曰善視兩弟遂自縊死

馮嫻王讓義之令贈表其墓墓在夏陽村祠在莘里村

此處無人見及

論曰季兒之死似矣余所疑者延壽與季宗爭葬事之曲

直耳周官曰凡殺人而義者令勿讐讐之則死季宗直季

兒死之固當如其曲也安得讐視其夫以死乎况建坐死

而延壽會赦則當時之法不又輕重較然歟俟折中於精

義者

節婦見舊志者十五人趙氏李十一妻正統時旌後有趙

氏雷謙妻喬氏李廷璽妻寇氏李瑤妻梁氏喬進孝妻孫

氏甯仲賢妻雷氏趙潤妻甯氏趙賓妻張氏李白妻

府志云白

卒氏不皆堅志勵節者魏氏任朝宣妻卽孝子任守成之

食而死

母也年八十有八始旌旌後年百三歲乃卒以苦節享上
壽人謂天所厚云康那成妻褚氏魏思寄妻趙氏趙祚昌
妻雷氏甯濬妻李氏各守節論定矣李琨妻賀氏割耳殉
夫車公朴有弔賀氏詩見雜記新志云賀氏割耳殉夫予訪
聞其詳云其夫病草握手泣語賀誓以死從沒後哀痛絕
粒翁姑窺其意聚諸戚垂涕勸其終養賀不得已應之乃
復食及至葬操刀入室自割左耳血淋漓仆地家人驚
救起之詢其故曰我以死許死者矣翁姑若苦留我我不
死死得毋以我有二心乎割耳以殉所以全信也聞者
莫不噴涕遂置耳匣中殉其夫時天祚六年也賀方二十

四歲

烈婦見舊志者五人。秦氏諸生李光被妻。光被病篤。秦願以死從。光被曰。若給我耳。秦愈悲。曰。請先君死。頃之。秦果死。爲嘉靖丙辰五月五日。年二十六歲。光被後。秦八閱月死。趙氏。侯三律妻。貢士趙孟春女。三仕病故。氏年十九。不飲食而死。魏屏翰妻王氏。趙大彥妻魏氏。雷起蛟妻趙氏。皆烈烈殉夫者。惜皆不詳。劉公應卜有祭起蛟妻趙氏文。謂趙於夫之亡也。不飲食者數日。戚間勸之不得。弟姪勸之不得。卽所生父勸之亦不得。竟齋沐整衣自縊以終。葉夢熊曰。邵之烈女。若任季兒。秦氏可不謂奇節哉。閩閣

之流能不忘其天從而終焉可矣。安能決擇於經權之微。談笑乎死生之際。豈所謂慷慨從容兼之邪。殷妃周母風化由來。蓋長遠哉。烈婦烈女死於臨難。見舊志者六人。崇正乙亥。流寇犯郃邑。舊志載諸生侯在庠妻雷氏、吳學文妻楊氏、雷梗妻侯氏、女彩英皆投井死。雷運泰妻党氏自縊死。知縣范志懋建節烈祠爲文祀之。又有諸生楊丕仲妻袁氏被執不從亦死。

論曰。余聞流寇之犯郃也。雷氏適在母家。度其若不能守先期約。諸婦女曰。事不測。同死勿受辱。及砦破。雷先赴井。

死諸婦女從者遂有數人天下節義亦在乎倡之而已

貞女見舊志者一人崇正時有王貞女者農家女年十三許聘比村趙氏子臣兒臣兒遺疾劇女聞驚伏地移時乃蘇未幾臣兒歿女長號幾絕懇求臨喪父母堅阻不允女悲泣不食二日始得所請至趙氏家括髮枕股而哭之拜翁姑請成服翁姑許之乃進食顧事奇特鄉里男女羣非謂之父母不勝愧怍乃擁之歸邀親族外家力勸之志愈堅衆質之諸生范鏐鏐爲趙翁舅氏行驚異之遣婦往視論以守節之難歲月之久倘不克終反不如今日之適人無玷以微傾其志女歎曰此事一死卽終局可頃刻而結

夫復何難所不卽死者爲翁姑奉養無人欲代亡者供子職耳翁姑逝卽當從之婦歸以告齔齔曰嗟乎有是哉視死如歸貞一不二必無鮮終之慮者矣乃勸兩家父母於臣兒亡之七日令女歸趙氏女自歸趙毀容獨居爲臣兒立後以慰父母勤儉克家養舅姑以終其身

趙次谷曰禮不備則貞

論曰夫婦人倫之始也聖人重之故六禮備而後爲夫婦

文不行說禮明曉

有夫而後有翁姑親迎以前曰士曰女不曰夫婦不曰翁

姑也士死而女改聘亦禮之正者非聖人所禁顧謂許人

貞女本心以身雖死不二遂奔喪遂夫其死士遂翁姑其死士之父

過哀三字有力母而且爲之立嗣噫亦過矣然孔子不曰賢者過之乎

斷定此轉非凌谷所見及

連用三遂字一且字逼出亦

此爲中人人言也

過而不失其爲賢也故旌格亦取之今錄其傳使世之不
○女與○康○頌○立○盛○名○同○風○

能從一以終者知所愧焉

新志節烈婦女六十有四人其時之先後不可詳今分類
載之

新志姑婦俱以節著者王氏諸生宋弘道妻張氏賀明淵
妻俱姑婦守節王年二十張年二十四而寡子俱幼俱爲
夫家所逼嫁不從撫其子成而子俱死王之婦安年十九
張之婦李年二十俱能遵其姑之節事其姑以孝而一撫
遺腹子一撫嗣子俱有成二姑俱年八十有三以壽終人
俱謂苦節之報焉又曰李氏呂氏李之夫曰雷畏天十五

歲嫁生子紱一歲而夫亡李痛哭欲身殉翁姑勸以養老
撫孤乃已親耕桑養翁姑終而撫紱成人娶妻呂氏孝廉
呂鈞璜孫女也生一子未三載紱又死姑婦相抱痛哭數
日已而李謂呂曰若年未二十我家如此何苦若爲若嫁
幼孫我撫之呂大哭曰姑不苦節至今乎姑在堂幼子在
抱婦安忍舍之而他適謂其親隣相勸者曰如有勸吾嫁
者吾當剜目斷臂誓不再醮於是姑婦相依備極艱苦而
撫幼孫以成焉

新志姑姪俱以節著者劉氏雷復薦妻二十三歲夫死子
五歲女七歲翁姑早逝食貧勤紡織以撫子女歲屢饑

口一食卒教子女有成女嫁子娶家計且日亨而其姪爲復薦族姪妻節概亦彷彿其姑

新志姊妹俱以節著者萬歷絳州知州雷翀有節女二其一名淑適知縣趙某子子卒淑方十九歲無所出翁姑欲其改適人不從養其伯之兒而疋其父母謂寡婦命多尅抱而去於是奪而嫁之之命愈迫愈不從初淑幼慧異人讀書曉大義多疾父憐愛之嘗夢與拾棗竹箔上淑忽踣倉皇持之裂其一手而身殞哭叫而覺以爲不祥必殤也乃嫁而寡翁姑屢迫之遂成疾或告之曰若節成而名其美乎答曰人間寡婦萬千何足爲名但取心安耳未幾卒

其一季女尤聰穎博涉書史工八分書能詩適諸生史繼
魯繼魯早卒無子誓以死從爲哀詞欲自經家人防之密
遂不食父垂涕諭以留身事舅姑以史氏宗祧爲重而一
死爲輕乃食立繼魯弟子爲嗣躬操作養舅姑家貧四十
年甘旨未嘗缺爲子構書室手銘其楹以勉之其詞曰天
地爲屋江河爲沼古今旦暮聖賢朋好具此心眼以窺與
窺月明星燦書聲繚繞嗣子教之成亦先卒有孫三復教
之初繼魯之弟卒亦無子其妻楊氏與同守二十餘年亦
先卒爲經營其後事而以次孫嗣之曰吾取彼之子爲後
顧令彼無後耶先是其夫卒時氏方少常蓄利匕首置床

頭讀書則置几案間未嘗暫去蓋陰防不測其守身之嚴
如此年九十至康熙四十年始卒著有彌清閣集暮年盡
焚棄之曰詩文非婦人事播之於人非所宜也故傳者少
今有詩十餘首古文一

新志節婦有奇苦者二人一曰李氏舟子陳某妻也陳酷

貧生一男一女而死其產僅田一畝屋二間且上有老母

戚黨俱爲李危之李毅然曰吾姑也吾必終養之吾子若

女必撫成之於是佃坡田十餘畝躬耕日出而往腰鎌秉

耒竭手足力無一人一犢之助且日再歸作食奉姑哺子

女歸必負束薪供爨日入而息也復爲人彈棉得傭錢以

世間不務生理男、子、觀、此、當、自、奮、矣

爲衣服、故仰事俯育、竟免饑寒、人皆憐之、而其姑性最嚴厲、稍拂意、卽怒答、李和顏受之、且泣曰、姑欲答卽答、慎勿過怒、傷姑氣也、其天性純孝如此、後姑歿、哀號幾絕、竭力營喪葬、嫁女獲聘金、卽爲子娶婦、教子學木工、比其卒也、竟成中人之產、其一曰孟氏、吳文英妻、文英家夙饒、病故、孟無所出、誓不更嫁、求其叔之子爲嗣、叔荒佚、蕩其產、孟嘗乏食、叔不之顧、且奪其子去、欲嫁孟以爲利、孟依其兄、兄徐勸之、孟恚曰、兄將以我累兄、耶、吾寧死不肯嫁、遂離兄歸、自此數年不往兄家、其叔益無賴、粥音欲其子、未幾、并粥其妻、身轉死他鄉、孟氏恆忍饑待死、兄遺之粟、或糲

皆力却之。饑不能支，則蒙被而卧。卧三日，不一粒食。鄰婦

往視之，見其狀，歎曰：「改嫁可耳，何自苦若此！」孟閉目不答。

或餽之食，不食。又卧數日，再往視之，死矣。不知其死於何

日也。

論曰：伊川先生以饑死事爲極小，以失節事爲極大。故孤

孀雖貧窮無託者，亦必不可再嫁。此理人所共知而信者

爲難。若吳孟氏可謂知而信之矣。豈其聞伊川之言而興

歟，以視陳李氏則又彼易而此難也。

新志節婦以壽著者，九人。馬氏，屈深妻。宏治時人。夫死無

子，守節至八十歲而終。萬歷時有康良策者，妻馬氏，賢而

有才夫死二子俱幼馬教子成立遺產僅百金累及鉅萬
二子復相繼死馬又撫二孫以成而家益隆時馬年已八
十矣康氏之祚實馬氏延之也守節凡五十有七年年九
十二而卒前孝廉呂得璜誌其墓李氏年九十胡氏九十
九雷氏七十五劉氏七十九楊氏七十六呂氏八十四范
氏八十六李氏者許朝宗妻朝宗遠服賈不知所終李年
十八生子甫一月有欲奪之者李控於官守節母家十三
年子成童方歸後元孫攀桂成進士胡氏者趙興妻辛卯
舉人趙昌宗母也年十九夫死自縊姑救之斷髮矢志守
節八十年而後終雷氏李永興妻劉氏王大楹妻楊氏魏

恩宜妻呂氏、党某妻、俱少寡、家貧、雷氏、劉氏、子幼、翁姑老、
楊、呂無子、無翁姑、皆矢志不貳、或養老、撫幼、或零丁孤苦、
五、六十年、九死而不悔、范氏、甯洵妻、長史垣之女也、適甯、
未成禮、而夫病、病三年而死、范年二十、誓以死殉、姑力止、
之、乃剪髮以守、後爲立嗣、嗣子枚、登賢書、

新志節婦、不登上壽而卒者、六人、甯仕報妻、雷氏、馬現瑞、
妻、王氏、諸生王元琛妻、馬氏、侯健業妻、某氏、梁奠翠妻、王、
氏、甯杖妻、雷氏、守節俱在二十歲內、而甯杖妻年十五、尤、
其少者、無子、王元琛妻亦無子、梁奠翠妻止一女、餘皆有、
子、節孝大抵與前、享大年者無異、獨馬氏於夫死時投繯、

纒繫於椽椽折衆救之不得死故爲之立嗣守節

新志節婦同傳者又三人吳堡訓導康懋典繼室解氏雷
曉妻甯氏俱無子苦志守節甯之夫家死亡殆盡乃依父
母以居歲時一反夫家祭掃而已盧氏儒生李樵草妻夫
死子幼誓死守甘貧茹苦至於絕饑而志終不變

節婦入新志時年七十以上尚存者七人其志曰王氏年
八十李之行妻曰范氏甯棟妻年九十六王以二十三歲
范以十九歲守志養親育子艱難百瘁白党氏七十四曰
雷氏趙氏皆七十党氏高宏奎妻雷氏李佩玉妻趙氏雷
忻妻皆與王范同操而不愧者也曰楊氏雷太康妻二十

四而寡。養老翁。奇孤。有將奪其志者。持刀大罵。欲自剄。守節十年。翁年八十九。懼翁之沒。而有他也。勒石於其夫墓側。以明志。又請翁鳴於官。使不肖者不得生其心。以自全焉。年七十二矣。曰雷氏。年八十七。王家樓妻。順治五年。賊掠其鄉。雷抱幼女投寨下。寨高數丈。竟不死。及夫死。撫其子。子亦死。與婦韓。撫其孫。韓又死。艱苦備至。孫幸成。而雷愈健。猶能視細字云。

節婦入新志時年六十以下尚存者十三人。曹氏。潘衍泗妻。年十七夫死。貧無子立嗣。又勸其改適。氏曰。今日教改適當年不合。教讀女經。父慚而止。勤紡績以奉翁姑。

自食糠粃不厭社會婦女競游觀氏閉戶不出事翁姑柔聲愉色問視有體侍疾終夜假寐食不下咽慰以少休則曰代夫終養職應爾且曰婦卽是兒翁姑爲之泣下及翁姑相繼卒號泣不食幾死人皆稱其孝馬氏李文藻妻年二十守節其叔欲強嫁之馬以鎌割其耳血流滿衣訟於官乃得守王氏党中極妻夫死號泣欲自盡翁姑力止之矢志以守時年二十三或言少年守節之難乃斷髮自誓以示志不可奪三十四年如一日也雷氏王自井妻井死雷年十八無子立嗣以守父母勸之改嫁女數年不歸寧壬申歲大歉伯叔將強嫁之乃偕子婦遁河南比歸家計

空惟織紡以度日而志彌堅雷爾豫妻黨氏夫死有子
三皆幼堅貞自矢數年而翁姑亡長子亦死壬申次子就
食他鄉黨益孤苦無依日幾罄既而次子歸稍得存活日
復明秦廣居妻雷氏幼慧讀書識大義與廣居相敬如賓
廣居早世止一女雷年二十痛哭幾絕臨窆欲殉衆救免
父母以無子欲奪其志曰有女在未幾女殤促之曰舅姑
安托舅死又促之曰姑老義愈不可既而父母相繼亡因
絕歸寧歲大稔鬻衣養姑自食草根木皮苦節三十餘年
矣又有王推己妻馬氏性好詩書十九歲寡雷湖妻李氏
二十一歲寡俱守節撫子諸生李景白妻謝氏曹石妻高

氏許作鳳妻王氏劉可雲妻趙氏秦炳妻朱氏皆守貧養姑撫子

烈婦見新志者十人嚴氏諸生雷一滋妻事舅姑至孝一滋病篤毀容侍湯藥一滋死哭之慟不爲服人怪之已而潛經於夫柩旁又有儒生田光謙妻秦氏夫死亦自縊於柩前邑令爲之表其墓李氏安尚起妻也歸尚起甫半載尚起行商於外五年客死李聞訃痛哭不食將死之已而翻然曰吾事殍未了何以死乃復食亦不復哭人怪之李乃盡粥其產使人扶夫柩歸迎祭之哭幾絕營窆安令廣其壙客二棺自治棺衾葬之日晨起親爲衆治具整潔羅

凡案勸衆食且謝之乃沐浴更衣閉戶自經死年二十時
崇正二年也馬氏秦國寶妻性至孝事翁姑得其歡心國
寶卒馬矢以死殉卽藏繩卧內翁姑止之不聽適其父在
他所翁姑慰之曰爾卽死可不與爾父一訣乎馬曰諾勉
從之自是不窺戶外謂家人曰吾見人則自愧不如死日
夜啼泣久之曰吾不能待吾父矣夜以所藏繩縊死新志
論曰見人則自愧不如死此一言也其子輿氏之言乎所
著此論不但於倫教有裨而全傳亦有
義、潤、免、平、直、之、病、矣、
惡有甚於死者此之謂也人心所以不死者此也天理民
彝所以不沒者此也嗟乎士大夫之談孔孟說程朱患得
患失平居則吮癰舐痔遇變則背義偷生而見人全不知

愧者視馬氏何如哉。甯氏字莘嬌，舉人甯鏞女也。年十四，父母相繼亡，適舉人楊介子。滌端莊貞淑，翁姑愛之。滌讀書，父師督之嚴，氏每婉轉勸慰，勉學。滌多疾，久且不起，篤將囑以言，氏泣止之，曰：「毋庸言，妾不負君。滌卒，哀毀幾絕，勉治喪，取滌平時筆楮玩好，并已所製精巧物，內之棺中，奠祭不假他人手。」曰：「夫無子，非我莫任也。」及葬，指其墓謂小姑曰：「我死，卽同葬此。」翁姑微聞其語，恐其以身殉也，婉諭之，不應。一日，謂其兄曰：「願撫兒女爲我女。」兄曰：「立子禮也。」撫女何爲？答曰：「且無須計立子事，惟欲得兒女伴我。」朝夕解愁寂耳。不久當還。兄不解其意而從之。自是足跡

不出中門朝久哭泣之餘縫紉不懈如常時俗禮七七曰滿遂不食。食猶與家人勸之食不聽。稍間以金珠花鈿飭女姪給之出。庭裏戶姑召之不應。急啟戶已投繯。急解之。結纍纍不得救也。嗚呼烈矣。李氏王威妻。威死子幼。李堅志持節撫其子教之。成年已二十娶妻。則又死。李痛哭呼天絕而復蘇者數四。乃自縊。又有兩王氏。其一貢士王蘭瑞女。適舉人李丕顯。子玠玠早世。一子幼聰慧。氏教之讀書。不稍貸。每歸寧不攜與俱。恐廢業也。居常素服不爲容飾。俗遇時節。婦女出遊觀。氏三十餘年不窺戶外。亡何子又殤。氏痛哭曰。吾所以不死者。恃此孤耳。今已矣。生何爲。

絕粒數日、舅許以次子之子爲子、氏曰已矣、自縊死、其一
雷元龍妻元龍榮經知縣景遇之子也、疾篤、繼室王氏年
二十餘、涕泣請死、元龍曰止、父母在、子女幼弱、爾死誰爲
養、復持其手而泣曰、萬毋死、氏涕泣許諾、及元龍死、家日
貧、氏養親撫孀、日夜紡績、食糠粃、單衣不棉者七冬、及
子女婚娶、畢、翁姑各以壽終、乃謂其子曰、吾事畢矣、往、吾
許汝父以死、所不死者、以老親與若輩、今父母已歸土、若
輩已成、可以下報汝父矣、遂自經、家人急解之、不死、不食
者一月、日飲水一盂、子女兄弟環泣而勸之、不少動、徐曰
吾卽多延數年、能終不死乎、與其違心而生、何如懷心而

死遂自經。順治五年，與王烈女、新玉同死者。王斗南妻孫氏。王時南妻管氏。

新志烈婦死於強暴者二人。曰楊氏、金養全妻。養全家貧，居土室，無鄰以補。敝箕爲業，朝出暮歸，或越宿不反。族有兇徒，家其西，養全數日不歸。楊三日未舉火，兇以麥三升假之，夜欵其門。楊知爲兇，也不應。次日，卽割紡織資償以絕之。兇不悛，復往。楊乃大罵，越數日，兇持槌排戶入，強犯之。楊大呼力拒，兇擊殺之，並殺其七歲女。養全訴於官，兇坐死。立斃杖下。郭氏，高坤妻，坤夜應更役城上，鄰惡乘間入其室，欲犯之。郭大呼，鄰惡掩其口，郭嚙其指不釋。鄰惡

遂起殺機。徒殺其三歲子。郭身被三十餘刃。終不釋。迫聲

○當○時○言○欲○殺○人○知○也○而○人○反○受○德○之○恩○思○矣

聞於外鄰。惡為衆所執。而郭已死矣。時康熙三十年也。

論曰。余初閱新志。至高坤妻郭氏傳。以爲此死於盜。非拒

姦而畢厥命者。安得與金楊氏並稱烈婦哉。顧志之何也。

及詢邑人。乃知當時欲爲烈婦。諱其事。遂以欲犯烈婦者

爲盜。嗚呼。謬矣。烈婦之心。揭日月。烈婦之行動。鬼神復何

○明○詞○爽○解○數○年○之○款

諱。諱之是不欲著其烈也。爰改定本傳。俾烈婦正氣凜凜。

至今存。且與世之爲人立傳者訂義法焉。

貞女見新志者一人。曰王田阿許。字某。未歸。某死。女父欲

別字之。不從。乃斷髮毀容。幽老閨中而死。時宣德九年也。

黑池里人其墓猶存

論曰幽老閨閣視奔喪之女允正然亦正而非中仍未免
爲賢者之過夫過猶不及則賢者當知所裁矣顧世安得
遽有中道而行者孔子曰過猶不及未嘗曰不及猶過也
○所○書○自○者○不○能○道
○翻○得○有○至○理○非○精○

與其不及也寧過

烈女見新志者一人王新玉給諫王公又旦姊也字韓城

張氏新志云王世居百良堡順治五年賊陷堡堡人惶擾
走匿女年十六告其母康氏曰事急矣兒必死母子相持
泣倉猝賊已入大索女遽投井其姑許嫁党氏者亦投井
母抱幼女換數丈滿中賊去翼日出之姑與母俱得不死

而女死矣。久之高士王築夫爲文表其墓。

節婦見省志者一人。張氏雷延壽妻。年二十而寡。延壽祖母劉以節著。未詳氏孝親鞠子志操冰霜。人謂克嗣徽音。守

節三十六年而卒。

節婦見府志者十人。秦氏党克儉妻。年十七克儉死。子未及週。氏甘貧茹苦。撫之成立。馬氏明武進士超驥女。諸生

王元珍妻。夫死。氏年十八。堅心守義。養姪爲嗣。依父家。績

緝自食。七十壽終。張氏趙鳳苞妻。苞死於外。氏年少無子。

苞弟亦死。婦嫁氏留其四歲兒。撫之如己。出日夜績麻奉

親。嘗避難負姑匿林壑。間食以裹糧。自食槐葉榆皮。得

宋氏農家女年十六歸雷秉陽夫死翁姑諭以改適其父
母又促之氏密告方妊必迫之惟一死越數月果生子家
貧氏親把鋤藝禾採薪掃葉夜勤紡績力倦假寐雞鳴起
歷二十年家道漸裕初歲奇荒氏自咽糠粃及草根本皮
而翁姑朝夕甘旨不缺俱享大年同日坐逝比葬雙棺出
四方聞氏名聚觀如堵氏服衰絰伏地哀號行路惻然喪
具所費不貲皆氏手自拮据也康氏諸生緯女舉人乃心
姪適諸生王斯說夫死前妻遺一女甫三齡氏撫之母子
相依爲命舅靈州副將顯若已死姑羅氏年踰六十氏取
族子爲嗣生養死葬四十年如一日李氏党相妻年十四

夫卒以紡績事親後壽至八十有二張氏諸生康懋績妻
績死誓以死殉家人勸止孝事霜姑教育幼子且施棺木
揜枯骨雍正中祀節孝祠范氏伊陽令康其武嗣子朗詣
妻朗詣暴疾死氏年二十一舉遺腹子穉貧困無易心多
居父母家日事紡績年五十有七爲嗣子娶婦且抱孫焉
路氏康紫宸妻平涼訓導畿之女也歸五歲夫死立嗣子
撫之後家漸落志益堅歷四十三年如一日行氏秦槓妻
年十七適槓事孀姑以孝聞越六年槓病革憫其少令他
適氏斷髮截指以誓槓強起拜之遂死氏子女無出取夫
兄幼子撫之二十餘年雍正三年卒外有魏氏

魏氏馬君和妻夫死年二十餘子甫一歲夫兄欲奪而嫁之氏知卽入私室截二指以自誓遂迎寡母爲伴紡績力作撫子成立年六十三卒

烈婦見府志者四人王氏李覺世妻覺世母老家貧遠館洛川氏紡績養姑雍正元年夏覺世適館溺死婦聞之勸絕姑力救始甦及櫬歸氏爲營葬事入室自縊家人啓視顏色如生氏無子卒年二十有五李氏諸生雷桂芝妻事孀姑以孝稱夫病死越三日姑亦死氏痛哭嘔血成疾堅卧一室不見醫亦不服藥閉門數日而死時年三十秦氏儒童雷枚妻事翁姑孝夫死無所出誓以死殉投繯數次

何陽縣志卷之三
遇救悲憤不食病卧死賈氏楊繼炳妻年十七適炳歲餘
炳邁疾篤氏晝夜焦思目不交睫及沒氏急入殮奠畢遂
自縊去炳沒時才二刻年十有九
烈女見府志者一人曹粉容農家女也未歸而壻死父母
勸其改字粉容乃投繯而死縣聞立石表其墓

論曰邠之節烈婦女自任季兒外見舊志新志并省志府
志者百有八人盛已而今又過之此非他邑所能及也然

余觀康對山之志武功節婦僅三傳韓五泉朝邑志烈女

傳一節婦八人皆無傳而於其太宜人張氏亦然此何

不說破

焉余見夏之節烈公論揚善之心莫過則又不得不

其所舉略爲分別而志之也。後有以康韓二志之義責余者。余笑辭乎。

特旌節婦十有五人。乾隆十三年旌者王哲妻張氏、陳燧妻李氏、貢生康傑妻楊氏、曾恩妻趙氏。十四年旌者謝廷妻侯氏、荆彤妻劉氏、王金吉妻雷氏、王茂成妻李氏、李維前妻喬氏、李久壘妻趙氏。十五年旌者党介妻王氏。十六年旌者車順制妻李氏。二十年旌者趙克勤妻康氏。二十一年旌者李續仁妻楊氏。二十二年旌者康汝顯妻陳氏。俱建坊。准入節義祠。奉文給匾獎勵節婦三人。乾隆十六年給匾者李文藻妻。

馬氏生員張富有妻鄒氏二十一年給匾者李治妻劉氏也

節婦已請

旌者四人雷敬修妻李氏張本暢妻雷氏諸生田種嘉妻甯氏監生王涵儒妻康氏

節婦奇苦者七人李千駒妻行氏監生叶構女年十六適千駒千駒方有危疾未獲一面而千駒歿氏除華飾勤紡織孝養舅姑備極艱辛以待其亡現年七十有三

党舍妻李氏年十七適舍時舍得狂惑之疾三載不愈投井死氏孝養翁姑糲糠自啖以至於今邑秦徵士汪嘗爲

之傳現年六十有一

魏侯妻雷氏年十二許字侯。值侯貿易廣東十四歲以俗
禮空房適魏。又三年侯死於外。翁姑已先亡。惟依孀嫂。以
自存活。甘貧如飴。今年三十有九。知者皆以完節許之。
康樹本。王氏。本患痿痺。其父監生潤玉欲辭婚。氏謂
其父曰。而也不何。且試易地觀。又何以處哉。及適樹本。
樹本疾滋甚。足拳曲。日夜痛楚。氏以處女。盡婦職。百計
扶持。冀得稍安。六年樹本死。氏年二十有三。守義事翁姑。
撫嗣子承烈。已入。年四十有九矣。

雷文才妻楊氏。母家以貿易居高陵。文才亦以貿易至其

縣氏年十五文才聘娶爲妻閱三年而又死子甫週歲氏兄逼令改適氏引刃欲自決父母勸止子稍長母子相攜尋訪夫家山水跋涉艱窘萬狀比至翁姑俱亡有夫胞兄年近七十其子出外上下無依氏勤紡織操井臼以供衣食敬事之如翁後兄得疾臥床不起氏命子爲除糞穢死則竭力營葬人稱其節義壽七十有一

侯雲從妻郭氏雲從患癩人莫敢近其父兄屢欲辭婚氏弗從及完婚知者咸恐其終不相宜也乃氏謹事病夫毫無難色生二男一女雲從死氏年二十有六雲從前妻子病臥不起氏扶養無異已出先是雲從兄弟各欲分產

起爭端自氏歸凡事身先功則推讓兄弟感之無復忍
言分產者氏現年五十有七

張大聘妻趙氏年二十四大聘死母弟勸之改適氏遂絕
歸寧竭力事姑撫子女及二叔大金大玉各爲娶妻艱苦
至矣後二叔反欲奪其志氏以死拒益疾之盡賣其產偕
妻子他往使氏不得衣食氏紡織易粟養姑姑歿孤力營
葬子亦死越數載大金大玉歸大玉死於虎大金至家死
婦各改嫁大金遺一子氏撫如己出尋亦夭氏傷痛致疾
而卒壽七十有五

論曰七婦之遇豈非命哉顧世之不知命者多矣此孟子

合陽縣志卷之三
不○知○命○惜○不○知○義○也

所謂無義無命也。余嘗解云：有義而後有命。如七婦者，其庶幾乎惟魏雷氏年僅三十有九於旌格未符。

党化鵬妻，翟氏年十九寡，有勸其改嫁者，氏截耳以自毀。

甘貧撫孤，壽六十有一。

論曰：党賀氏、節婦申奇苦之次者。此外概不立傳。總志則煩重矣。今分已故尚存及有子無子四香於旌格，俱符非有優劣之別也。

節婦已故無子者：劉大耀妻秦氏、王二龍妻盧氏、張君台

妻郭氏、趙廷榜妻張氏、秦節位妻王氏、王意箴妻吳氏、

承瓊妻梁氏、監生郭維基母王氏、党允奎妻褚氏、潘鳳

龔宋氏。謝有詢妻李氏。甯曾望妻劉氏。張大戶妻白氏。
之蕃妻劉氏。康叔雄妻李氏。王八子妻雷氏。趙文燕妻
氏。雷直妻王氏。魏採妻耿氏。趙四端妻韓氏。凡二十人。
節婦無子尚存者。李萬駒妻宋氏。奉賓妻田氏。車福妻姚
氏。党爾桃妻白氏。高如麟妻徐氏。楊大略妻王氏。楊作涓
妻秦氏。范廷璵妻康氏。秦養可妻許氏。譚奮翮妻王氏。郭
子邦妻翟氏。梁子趣妻王氏。党企岸妻黃氏。李新傑妻雷
氏。喬文鼎妻王氏。趙天材妻侯氏。范惟楨妻賀氏。王需妻
雷氏。張杓妻康氏。王超曾妻雷氏。劉養琢妻雷氏。王懷華
妻康氏。田子仁妻雷氏。朱經英妻袁氏。甯繼書妻雷氏。王

東文妻屈氏。謝金全妻朱氏。凡二十有七人。

節婦已故有子者九人。李彬妻路氏。李若珍妻薛氏。盧建

源妻馬氏。孫應祿妻孔氏。王立臣妻郝氏。党國修妻宋氏。

賈方淵妻党氏。雷洋妻李氏。蕭漢貞妻吳氏。

節婦有子尚存者六人。趙如德妻張氏。喬清妻康氏。魏玳

王氏。甯鈞天妻蕭氏。諸生楊繼績妻李氏。李子瓊妻馬

應烈婦。建坊准入節義祠者一人。

東選妻楊氏。年二十三。以乾隆十六年十二月十八日。

某圖姦不從。被殺。並殺其一子一女。

烈婦已旌而未入志者一人未旌者二十人夫死生亦大矣慷慨殺身易而非易也故俱傳其事使死者至今如生焉。

雷某妻路氏夫死自經於柩側明天啓間建坊旌表坊圯而址尚存。

盧欽明妻顏氏欽明自幼能文善書年十四邑令范公志懋歲試第一十六科試又第一未及臨試而死及葬氏自縊以殉。

胡養元妻曹氏明崇正間流賊剽掠村落居民驚散時養元出外氏聞變抱幼子又携十歲姪與六歲子匿於秋禾

中賊見氏欲執之氏大罵遂殺其幼子氏罵益甚亦被殺
賊遂執氏所攜二子去越三旬二子忽歸衆驚問其由二
子言八月十五夜賊衆賞月乘間出見乳羅山塔光亮若
有人導之前者歸至母死處忽不見鄉人咸以爲氏之自
魂也。

申汝舟妻朱氏年十九舟歿家貧翁欲嫁之遂自縊家人
救之甦後貧益甚竟餓而死。

盧康年妻申氏年二十有九康年出外貿易死訃聞氏自
縊。

梁大道妻劉氏年二十三生子甫數月大道病危氏哭曰

侯兒稍知讀書，妻願從君地下，卽以此指爲信，遂取斧斷其中指，大道死，子七歲入塾，遂自縊。

潘可治妻秦氏，可治死，氏紡績養舅姑，舅姑歿，賣宅以殯，跪倩隣舍成墳，葬畢不食而死。

潘大任妻趙氏，大任死，赤貧，一子穉，以女工自活，值歲饑，日不舉火，鄰媪勸之行乞，氏曰：「餓死命也，乞丐何可爲？」遂

自經。

盧思溫妻馬氏，溫素貧，祖年老，氏常出其簪珥供膳，溫病死，氏殮畢，夜自經於樞側，邑令王以濟表其門，鄉人爲立碑於道。

楊啟章妻李氏年十九章死無子族婦吳氏改適以子爲嗣後氏貧甚族人遂攜其子歸氏拮据奉姑姑歿遂死焉馬應公妻蕭氏年二十餘應公死於外子方五歲氏紡績育之日不再食者屢矣後子二十有三氏命扶其父觀葬於先人之兆踰百日而子死遂自縊

胡內寬妻孫氏農家女舉止端詳勤女工以奉姑年二十內寬卒無子姑命之改適氏泣曰姑在媳將焉往後姑享年八十四卒葬畢遂自縊

魏爾晉妻楊氏年十八晉卒事其翁無少怠先是姑亡有遺叔亦晉甫二歲氏撫之至十餘歲亦晉始知爲嫂也後

亦晉人庠翁歿葬訖氏遂不食而死

孫萬庫妻李氏家赤貧奉祖姑及翁以孝聞年二十三萬庫買於西寧病死氏聞信號泣廢食及柩歸哭不成聲葬畢遂自縊

金淑信妻宋氏年二十淑信死氏欲自盡翁姑日夜防之甚密氏始食杏仁不死又自縊救之甦潛投井死

王氏名貞農民王克讓女年十五適木工秦克宗時克宗年已四十餘孤貧有破屋兩間而已又多病氏紡績易食撫育子女備歷辛苦後克宗自外病歸氏晝夜扶持凡二十五日目不交睫克宗亡抱女攜子跪請於從昆弟得一

塋地并合葬其夫之祖父母暨父母將葬時氏已不食者四日矣而哀痛悲號見者無不隕涕既葬屬其子女父母於從昆弟遂乘間自縊蓋夫亡之六日也

許錫珩妻馬氏生子彌月而珩病卒氏欲身殉或以遺孤方乳勸之乃止子八歲教之讀書以痘殤遂自縊

秦枝延妻李氏年十四適枝延枝延家甚貧且卧病數年氏侍湯藥糞除無怠比卒無子謀立後弗得乃謀葬葬之前夕偶入室家人不疑也竟自縊年二十有七

許氏監生錫科女年十七適童生馬逢時逢時病卒氏引刃破其額血流滿地移時方甦翁懼告錫科載歸不食重

不必列父母防之密。潛以針刺其心不死。越數日。母
乘間縊死。年十九。

雷森妻康氏。年十九而寡。家貧無出。或諷之嫁。口不
激之死。曰。祖翁在。死誰養。時祖翁八十餘矣。氏晝耕夜
侍養無怠。比歿。賣產營葬。又合殯其翁姑。越三日。捨戶
沐。整粧。縫結纍纍。自辦口含而縊。

生員魯乃得妻車氏。年十七。適乃得。家貧無子。事姑極孝。
乃得死。氏自縊。乾隆十九年。邑令楊發智表其門。

論曰。烈婦二十人中。可以無死者。梁劉氏。秦王氏也。視世
之偷生者。顧不賢哉。